









* * شرح صلوات مشبیه لاسمعیل حتی * *
* * بسم الله الرحمن الرحيم * *

هذه صلوة من الصلوات الشريفة الملتزمة
عند اهل الله كانت وردا ملهما من عند الله تعالى
على قلب حضرت الشيخ العالم الرباني والعارف
الصمداني عبد السلام بن مشبش بن الشيخ
ابي احسن علي بن عبد الجبار الحسن المعروف
بالشاذلي ذي المناقب والمفاخر الممدوح في الاوائل
والاواخر قدس الله سره واسرار سائر الاقطاب
والرجال ومن يليهم من الركان والرجال شرحها
بالتماس بعض الاخوان المؤمنين بهذا الشأن الفقير

سمى الذبيح الشيخ اسمعيل حتى البرسوى ثبته الله
واقره على الصراط السوي وجعله على لسان التركي
ليعم نفعه في هذه الديار وان لم يبق في الدار ديار اللهم
بحرمة حبيبك الاصفي ونبيك المصطفى عليه
من التحيات ما يحبه ومن التسليمات ما يرضيه اجعل
افئدة من الناس تهوى الى كعبة هذا الشرح وروضة
هذا الفتح اذهو خير لي ولهم كما قال عليه الصلوة
والسلام يا علي لان يهدي الله بك رجلا خيرا لك
من حرا نعم والله ولي النعم وله الحمد على الارشاد
الى طريق الرشاد * اولا معلوم اوله كه
السنة خلايقه دار اولان صلوات شريفه بي نهايتدر
زيرا هر موجودك اسم مخصوصي بوزندن حقه توجه
خاصي وحقيقت محمدية دن حصه سي مقدارى
روحانيت نبويه انتسايد اختصاصي وارد ركه اول
توجه حسيله دركاه والاى كبريايه عرض حاجات واول
مرتبه دن مناجات ايلر واول انتساب روحاني
واختصاص جناني سبيله بقدر القابلية مدح

و شناسویلوکن شیخ سعدالدین جوی قدس سره
نقلی اوزره اون ایکی ییک صلوات شریفه
مضبوط در که بعضیسی تعلیم بیغیر علیه الصلوة
والسلام ایله معلوم اولمش و بعضیسی ساق عرشه
مکتوب اولدیغی اوزره الواح ملکوتدن اخذ اولمش
و بعضیسی دخی اهل الله بطریق الالهام کلمشدر
تفاوتک سرینه شمدی اشارت اولمشدر و اون ایکی ییک
صلوات شریفه نک شیوع و تخصیصنه وجه بودر که
قلب انسانه وارد اولان فیض الهی اون بر مرتبه دن
نزول ایدر که لوح و قلم و عرش و کرسی و سموات سبعدر
و یو مجموعک احدیتی اعتباریله عدد اون ایکی اولور
ولکن هر مرتبه ده ییک بر عدد اسماء الهیه متجلی
اولق حسبیه اعداد صلوات متد اوله اون ایکی ییکه
متفصل اولمشدر پس حقیقت محمدیه هر اسمله دائر
و هر برینک صورتیله ظاهر اولق سیدیه مراتبک
حقایقنی رعایت و حق تطبیق فضاء عدد مخصوصه
انحصار لازم کلدی و بوجه دخی بودرکی لا اله الا الله

کلمه سی خط اور سما اون ایکی عدد حرف اولدیغی کی
محمد رسول الله کلمه سی دخی بویله در هر حرفک
مقابلیه سنده ییک عدد صلوات تعیین اولندی
زیرا بسیط مترکب اولسه ادنی مرتبه ایکی جزو دن
و اعلی مرتبه ییک جزو دن مترکب اولور و برابیک مراتب
اعدادک نه! یتدر انکچون احاد و عشرات و مئات
و الوف دبرلر و یوسیدندر که انسان ایچون درت
مرتبه تعیین اولوب نفس و قلب و روح و سر
دینلشدرو بوسره اشارت قرآن کریمده کلور و ان
یوما عند ربک کالف سنة بما تعدون حاصلی بودر که
حقایق صور اوزرینه مبنیدر معانی الفاظ اوزرینه
مبنی اولدیغی کی حقایق عالم ملکوتدن و صور عالم
ملکوتندر ملکوت ملکدن و اسع اولدیغی کی حقایق
دخی صور دن زیاده در یعنی هر صورتده اسماء الهیه
عدد نجه ییک حقیقت مندر جدر بوسیدندر که
بر کلامده معانی اول ایله اکتفا ایتزلر بلکه قادر
اولور و اشارت فهم ایلینر معانی توانی و ثوالث

بیان ایدر لر و نکانده مزاجه یو قدر دیرلر بو اسرار
مرموزه دخی صلوة آتیه ده مندرج اولان لفظ
اسرارک تحتند مندر فافهم جدا وطن خیر اول
تسال عن الخبر لحرره * اولسه معنا یله کوکل مأوف
حرف واحد او اور یاتنده الوف * لفظ واحد مثال
یو غجه در * صدقش اولدی ایچنده موقوف
* (اللهم صل علی من منه انشقت الاسرار) * یا الله
تصلیه ایله اول وجود شریف نبوی اوزرینه که جمیع
اسرار کونیه واسرار الهیه آنک هویتندن منشق
اولمش وظهوره کلمش و حصول بولشدن زیر تعین
الهیتک اولی هویت ذاتیه و آخری کلامدر و تعین
کونیتک اولی روح محمدی و آخری نشأة انسانیه در
یعنی جمیع کائنات تعیننه مبدأ و منشأ فخر عالمدر
علیه الصلوة والسلام کائناتدن مراد ارواح
واجسامدر و ارواح واجسامک هربری بر حقیقتی
مشتمل و بر سری متضمندر زیرا مظاهر اسماء
وصفاتدر پس یو قدر اسرار که عالم وجود آنی حاویدر

جمله سی ذات نبویه دن انشأ ایتشدر تفصیلی بودر که
فخر عالم صلی الله علیه وسلمک جهت روحانیه و جهت
جسمانیه لری وارد رجعت روحانیه لری خلقتده
جمله دن مقدمدر تکیم حدیثده کلور اول ما خلق الله
روحی پس هر تقدیر اسرار روحانیه و ارایسه جمله سی
روحانیت نبویه دن منشق اولدی زیرا ارواح انبیاء
و اولیا و سائر لر اول مقدمه به تالیدر آنک چون پیورر کنت
تبیاء و آدم بین الماء و الطین ای بین العلم و العین و بونبوت
بالفعل نبوتدر سائر نبوت ایسه استجماع شرائط
اوزرینه و قته مرهوندرو جهت جسمانیه لری گرچه
بحسب الشخص متأخر در تکیم پیورر نحن الاخرون
السابقون ولیکن تعین مطلق حسبیه مقدمدر زیرا
عرش اعلا دن مقدم جسم کلی واردر که
اکاهیولی الكل دیرلر زیرا جمله افلاک و عناصر
وموالیدک مایه سیدر و فخر عالمک صلی الله علیه وسلم
روحانیتی جمله عالم اجسامه کوره ابتداء اول جسم
کلی صورتیه له تعین بولشدن پس بو اعتبار ایلله

جهت جسمانیہ لری دخی جملہ دن مقدم اولدی
بنا علی هذا عرش وعرشک محیط اولدیغی نقدر اجسام
وار ایسه جملہ سنک اسرار ی فخر عالمک جهت
جسمانیہ لرن دن منشق اولدی * مع هذا عنصر
مخصوص لریله بو عالم قدوم و بونشاه ده ظهور
ایتمد کجه جسمانیت عالم حقیقت اوزرینه تمام اولدی
زیرا روح لری روح جامع اولدیغی کبی جسم لری دخی
جسم کامل ایدی انکچون شمائل و حلیه شریفه لری
استجماع و استکمالده سار دن زیاده و بزیغمبر اول
اعتدال اوزره کلما مش ایدی فتبارک الله احسن
الخالقین * پس بو کونک صوره و معنی اسرار ی
جامع و حقایقنه مبدأ اولدیغی کبی عالم الهه کوره
ادخی ذات و صفات و اسماء و افعالک ظهورینه
منشأ و جمیع کالاته مظهر اولدی * و سائر لری دخی
بو اسرار و حقایقنه آنک یوزن دن مطلع اولدی لر
و بونتا یجک صورتی آنک جمالی آینه سنده کوردیلر
لحرره * کیم کوردی جمال اسرار ی * کلمه سیدی محمد

عربی * او وجود شیر یقدر حقا * کنت کنزک ظهورینک
سبی * بعد ذال اسرار نامه الهی اوجد ربری نسخه
آفاق و بری نسخه نفس و بری نسخه قرآن درو بو اوج
نسخه نک مبدی نسخه حقایق رحماندر کتب اربعه
الهییه بودرت نسخه به اشارتدر عارف بالله اولنلر
ترتیب اوزرینه بو نسخه لری اوقورلر و حقایقنه مطلع
اولورلر سوال و انورسه که شیخ مصلی هویت پیغمبری
علیه الصلوات والسلام مبداء انشقاق اسرار قیلدی
قرآنی قیلدی مع هذا جمیع اسرارک مرجعی قرآندر
جواب بودر که قرآن بحسب الظاهر مصحف قولی
ورسول الله صلی الله علیه وسلم مصحف فعلیدر
قول ایسه فعل اوزرینه منوطدر انکچون قرآنده کلور
نزل به الروح الامین هلی قلبک یعنی قلب نبوی علیه
الصلوة والسلام محل نزول قرآن قولیدر اگر بو قلب
اولمشه کیمسه قرآن و اسرار قرآن و فرقان نبد و کن
بیلزدی پس قلب نبوی محل انشقاق اسرار اولغه
مخصوص اولدی بومقوله مقاماتده قلب و هویت

بر در زیرا مقصود تعینی بیاند پس اجمالده محل
 انشقاق هویت پیغمبر صلی الله علیه وسلم و تفصیلده
 عالم آفاق و انفس و حقیقتده هویت حق در فافهم
 جدا و امش علی المراتب تجد المطالب المحرره * روضه
 اسرار در بو عالم هر ده هزار * سر عالم جو ایسک
 عشق ایله زار اول چون هزار * (و انفلقت الانوار) *
 و جمیع انوار آنک ذاتدن منقلب اولدی و ظهوره
 کلدی کرک انوار ظاهره اولسون انوار شمس و قمر
 و نجوم نیره و سائر منیرات کبی و کرک انوار باطنه اولسون
 نور روح و نور قوی و نور عقل و نور ایمان و نور
 ایقان و نور قران و انوار تجلیات و سائر لوا مع کبی تکیم
 حدیث شریفده **که** کلور اول ما خلق الله نوری
 و قرانده کلور قد جاءکم من الله نور و علویاته نورانیات
 دیدیلر زیرا اختراعه قریبدر بو سبب دندر که
 اول اولاد بحسب الغالب نکاح صحیح اوزرینه تولد
 اتمکله نورانی اولور و فخر عالمک صلی الله علیه وسلم

نورندن اقدم مخلوق اولما مق حسبیه نور اسماء زیاده
 مختص اولدی رب العالمین جل و علی کندو ذاتنه
 نور اطلاق ایتدو کی تکیم نظم مبینده کلور *
 الله نور السموات و الارض فخر عالمه صلی الله علیه
 وسلم دخی نور دیدی زیرا هم اقدمیتی و هم مظهریتی
 و ارایدی و بوتقیریدن فخر عالم صلی الله علیه وسلم
 افضل المخلوقات اولمق لازم کلدی زیرا معدن انوار
 اولان نور کلی اندن مستفاد اولان انوار جزئیه دن
 احسن و اعلا در شمس ایله نیرات **که** بی سوال
 اولور **که** تفسیر و سبباده کلور که حسن
 روی یوسف علیه السلام نور کر سیدن و حسن جمال
 محمدی علیه الصلوٰة والسلام نور عرشیدن مستفاد در
 مع هذا عرش و آنک حاوی اولدیغی جمیع اجسام و انوار
 نور نبیدن علیه الصلوٰة والسلام خلق اولمشدر
 پس نور نبوی نور عرشیدن مأخوذ در دیمک تعکسدر
 جواب بودر که عرش اعلی آنک نور ذاتدن خلق
 اولمشدر و اکن نور صفاتی نور صفات عرشیدن

اخذ اولمش در پس نشاء عنصریه لری حسبیه
 نور صفات محمدی صلی الله علیه وسلم نور صفات
 عرشیدن مأخوذ اولمغه مانع یوقدر زبرا جائز در که
 صفات عرشه نور زائدی عارض اوله مع هذا
 عرشیدن مأخوذ اولان نور فی الحقیقه کند و نور لیدر
 زیر اعرش اول نور زائدی فخر عالمک صلی الله علیه وسلم
 ظهوریدن و حقک اکاتجلیات متنوعه سندن بولدی
 شویله که اگر فخر عالم صلی الله علیه وسلم بونشاهیه
 تنزله دور اطوار و منازل ایدر کن مرتبه عرشه تعیین
 بولمسه لردی عرش اول نوری قنده بولوردی الحاصل
 فخر عالم صلی الله علیه وسلم اخذ ایتدوکی نور کندی
 امانتیدر خار جدن نور بوقدر بیت ناشدی ظاهر باین
 حسن و جمال ارباب دین * متفق کشند در تنفیذ
 انسان بر ملک * و فخر عالمه صلی الله علیه وسلم قرآنده
 سراج منیر بیوردی زیرا پوشیده اولان حقایق
 مقتبسان انوار معرفته آنکه روشن اولور و بونور در که
 بوقدر افاضه ایله ذره سی اکسملز و شعله سی کسملز

یعنی علوم شریعت و فوائد طریقت و انوار معرفت
 و اسرار حقیقت علماء امته آنکه ظاهر اولوب
 فخر عالمه صلی الله علیه وسلم ینه بحالهادر نور
 سراج کبی هر جانبیدن مضیئدر تکیم
 و جعلنی نور اکادالات ایدر بوسیدندر که
 نمازده ماوراده اولانی معاینه ایدر لردی زیراجیع
 جهات چشم اولمشیدی بحرره * چونکه بر دریا نکرده
 جمله جهات * هر یانکدن کور رسن آفانی * سنی کور
 سون سنی جهان ابجره * ایستین سر نور خلاقی * و فخر
 عالم صلی الله علیه وسلم خصوص اوزرینه ایکی نور
 حقیقی سی و ارایدی بری نور نبوت و بری نور ولایت ایدی
 و داع عالم فانی قلند قلرنده نور نبوتک ظاهره متعلق
 اولان مرتبه می شریعت مطهره ده قالدی بو معنا
 حالا فخر عالم صلی الله علیه وسلم امت مر حومه سی
 آرا سنده در آنکچون بنی آخر کلمز زیرا کندی حی
 و شریعتی باقیدر و باطنه متعلق اولان مرتبه سی
 حقیقت محمدیه ایله در تکیم بالاده اشارت اولندی

و نور ولایت که باطن نبوت در حضرت قطب الاقطاب
 قدس سره ایله دور ایدر اگر چه قطب بدن غیر
 اولیا چو قدر و لکن جله نك انواری بو نور دن
 مستفاد در زیر اقطاب واسطه فیض در بحر
 * طوته کور عشق پاک ایله بر کار * ایله اولیای هم انکار
 ایله انکار آدمی مردود * طوتر انکار ایله دلی زنکار
 سوال اولور سه که خبر ده کلور که
 علماء هذه الامه کانبیاء بنی اسرائیل
 معنای علی احدا لوجه دیمکدر که امم سالقه نك
 اولیای انبیاسندن و انبیای سی دخی فخر عالم
 صلی الله علیه وسلم دن اخذ ایدر لدی فاما بوامت
 من حومه نك اولیای بالذات مشکوت نبوت دن
 اخذ ایدوب بومعنا ده انبیاء بنی اسرائیل ایله مشترک
 اولورل و اولیاء متقدمین اوزرینه بونکله فضیلت
 و رجحان بولورل پس نتیجه اولیا باطن قطب بدن
 اخذ ایدر جواب بودر که مقصود بالذات قطب نك
 مشکوت نبوت دن اخذ ایدر و بردخی اولیا باطن قطب بدن

اخذ ایتک مشکوت نبوت دن اخذ ایتک حکمنده در
 زیرا قطب باطن نبوت ده فنا بولمشر بعضی بینه که
 خاتم اولیای مشر در مراتب ولایتده بر مرتبه کلیه یه
 مظهر اولیای اعتبار ایله در والا خاتم الانبیا والا اولیا
 فخر عالم در صلی الله علیه وسلم زیرا نبوت و ولایت
 آنده ظهور ایتدو کی کیمسه ده ظهور ایتما مشر در قمر
 بدی تی کیدر سائر ظهورات آنک تفصیلیدر انکچون
 و اینک کرامتی نبینک معجزه سیدر زیرا ولی مظهر در
 حکم ظاهر کدر مظهر کدکدر انکچون دعوا
 ممنوع و مذموم در لازم اولان کمال ظهور ایتد کده
 مظهریته حد و ثنادر بزه اول شرف پسر که سلطان
 خانه مزه نزول ایلیه و بوندن فهم اولندیکه نور نبوی
 نور اصلی و نور اولیا نور فرعیدر تکیم شمس و قمر ده
 مشاهد در یعنی نور شمس ذاتی و نور قمر عارضیدر زیرا
 عکسدر عکس ایسه اصلی کی دکدر والا یا مساوات
 و یا مزیت لازم کلور و بوسره اشارت محمدیه ده کلور
 اگر اسمن اوقود کسه مسما سن طلب ایله * یوجه ده

ایسته کل آنی که صورت عکسیدر ادنی * و بود کراولنان
 انوار معنویه به غروب و افول یوقدر زیر الایل
 ولانها را عالمند در و بوسره اشاره حضرت ابراهیم
 صلوات الله علی نبینا وعلیهن بطریق الحکایه
 قرآنده کلاور * لا احب لافلین * تحقیقی بود که
 انسانده نور کوکب قلب و نور قرروح و نور شمس
 سروارد در و لکن بونلرک تجلیاتی دائم دکلدر کوکب
 و قر و شمسک ظهوری دائم اولمدیغی کی
 بوجهتند رکه فلاسفه و رهانه مک کشوف
 و ادراکاته اعتبار یوقدر زیرا مراتب مقیده دن حاصل
 اولمشدر معتبر اولان اطلاق اوزرینه اولان تجلی حقد
 زیرا اولوقتده نفسانی اولان ذات و صفات و افعال
 فنا بولوب حقانی اولان ذات و صفات و افعالک
 انواری ظهور ایدر و بوانواره ایدی فنا کلز بوسیدن
 حدیث شریفده کلور ینام عینای ولاینام قلبی یعنی
 نور ظاهرك غروبیدن نور باطنک غروبی لازم کلز
 غروب ایدن نور باطن دخی تجلی ذاتیدن ماعداسیدر

آنکچون کل اولیا بو تجلی به واصل اولدخه مستخرج
 اولمز لروبر مقامده قرار قلزلر لحرره * ایسترایسک تجلی
 انوار * وارسندن فنا بوله کور وار * بو فنا به ایرشمکه
 بر دم * دائما حضرت حقه یلوار * (وفیه ارتقت
 الحقایق) * ارتفاق التیام معناسنه در ارتقت
 اولور ایسه افعال بایندن همزه صیوررت ایچوند رصارت
 رتقا معنا سنه رتق فتقک ضدیدر یعنی جمیع حقایق
 آنک هویتنده مرتق یعنی مجتمع و ملتئم اولدی معلوم
 اوله که حقایق ایکیدر بری حقایق کونیه بری حقایق
 الهیه در حقایق کونیه ارواح و اجسامک حقایق
 و حقایق الهیه ذات و صفات و افعال و اسمائک
 دقایقیدر بو حقایق مطلقا منکشف اولدخه ولایت
 داره سنه قدم بصمیر زیرا سنت الهیه بونک اوزرینه
 در که سالک حق اولا عوالم سیرانیه نک حقایق
 مکاشفه ایدوب ثابا ولایت ایله متحقق اولور و عرق
 نبوت منقطع اولدایسه درجه نبوته دخی قدم بصر
 شمدی که عرق نبوت منقطع اولمشدر ولایت ایله
 نبوتک پیننده بر پرده وارد در که وجهه عامدن نزول

و حیدر و والا وجه خاصه در الهام مقرر در
 بمکاشفه به اشارت طریق به قرآنده کلور و کذلک نری
 ابراهیم ملکوت السموات و الارض ملکوتدن
 مراد بواطن و حقایق و اسرار در یعنی نفس و آفاقد
 ملکوت اجرام علوی و سفلیه و بواطن هیاکل
 و تدویرات و اسرار کرات و مولداتی سکا اراثت
 ایتد و کمزگی سندن اول مظهر توحید ذات اولان
 چدک خلیله دخی اراثت ایتدک بوندن مقصود اراعتی
 اراثته تشبیه در رؤیتی رؤیته تشبیه کی نتکیم حدیث
 شریفده کلور انکم سترون ربکم کما ترون القمر ایله
 البدر مع هذا امر فی بی شهودده تفاوت وارد در
 زیرا فخر عالمک شهودی اکملیت وجهی اوزرینه در
 و انبیا علیهم السلام آرا سنده بعضی مراتبه تفاضل
 اولدیغی کبی اولیا آرا سنده دخی تفاوت وارد در
 الحاصل فخر عالمک صلی الله علیه وسلم ذاتی بر نسخه
 الهیه در که حروف شئون و کلمات اعیان و آیات حقایق
 ارواحیه و مثالیله و سور صور حسیه بی جامع در

و کذلک

و کذلک حروف اسماء ذاتیه و کلمات اسماء صفاتیه
 و آیات اسماء افعالیه و سور اسماء آثاریه بی محیط در
 اولکبسی کتاب وجود ظلینک اسراری و ایکنجبسی
 کتاب وجود حقیقینک حقایقیدر و بوهویت مرتبه
 سنده اولان علوم فاضله و حقایق شریفه بی
 وجودینی شرک جلی و خفیدن توحید عینی و تجرید
 حقیقی و تفرید حتی ایله تطهیر ایدن مس ایدر نتکیم
 قرآنده کلور لا یمسه الا المطهرون و بو حقایقه
 شرایع و امم و ازمنه نك اختلافیه تبدل و تغیر کلمزیرا
 حقیقت دیندرو قرآنده کلور ان الدین عند الله
 الاسلام یعنی حضرت آدم دن غایتیه دك اصول
 دینده اتحاد اولدیغی کی حقایقه دخی اتحاد
 وار در انکیچون حقایقه نسخ طاری اولمز زیرا
 برنسنه که بالذات در با لغیر ائیل اولمز و انسان ایله
 بو حقایق آرا سنده اولان مناسبت کل ایله اجزا آرا سنده
 اولان مناسبت قبیلنددر انسان ایله اعضا آرا سنده
 اولان مناسبت کی یوخسه کلی ایله جزئیات آرا سنده

اولان مناسبت دکل انسان ايله افراداراسنده اولان مناسبت کي پس انسانده جمعيت اجزا اولديغي کي جمعيت حقايق دخی وارد زيرا اول حقايق انک ذاتندن خارج دکل ايس من الله بمسئکرا ان يجمع العالم في واحد المحرره کيمک که اوله ذاتنده حقايق * اولور اقران ايجنده مرد فائق * اولو پدر نافه مشکيله آهو * کوره عالمده مر غوب خلایق * (و تنزلت علوم آدم) * آدمه مراد جنس انساندر تقدیر کلام وفي قلبه تنزلت العلوم العزیزه الخ صیغه بالانسان دیکدر تنزل في کلمه سبله استعمال اولنديغي علومک قلبده رسوخنه دالدر وانسان راسخ في العلم اولدقچه معلومک حقیقته وصول بولمز و قلبه شفا و اطمینان کلز یعنی جنس انسانه متلبس و خصیص اولان علوم حقیقه انک قلبه تنزل ایلدی تکیم حدیثده کلور فعلت علوم الاولین والاخرین و بررو ایتده فاورشی علم الاولین والاخرین و علمنی علوم ما شتی وارد اولمشدر یعنی علوم اولین و آخرین تعلیمدن

مکره علوم زائده دخی تعلیم ایلدی بوندن ظاهر اولدیکه فخر عالم صلی الله علیه وسلم علمده جمله انبیا و اولیا اوزرینه تفوق ایلدی انکچون حقنده بیورادی و کان فضل الله علیک عظیما زیراعلم جمیع ملکاتده فاضل اولیحق امتسانانی تفضیل ايله دروجا زدر که آدم ايله مراد ابو البشر اوله یعنی علوم آدم علیه الصلوة والسلام انک شاننده تنزل ایلدی زيرا آدم ومن دونه مقدمات و فخر عالم صلی الله علیه وسلم نتیجه و غایتدر انکچون هر کس اول علمی استعدادی قدر فهم ایلدی و فخر عالمده صلی الله علیه وسلم اکلیت و جمهی اوزرینه ظاهر اولدی و قرأنده کلور و علم آدم الاسماء بو آدم ايله مراد ظاهرده آدم صوریدر که ابو البشر درو حقیقته آدم حقیقیدر که عقل اول ايله تسمیه اولسان روح محمدیدر پس آدم ثانیدک حقیقتندن مقدم آدم اول اسماء و تعیناتی دورایدکن جمله انک حقیقته مطلع اولمش و هر برنک اسمیه

تسمی ایتشیدی پس آیت مذکوره ده اسمادن مراد
اسماء مجرده دکلدر بلکه اسماء و مسمیات و حقایق
مجموعه در خصوص صوفیه قتنده اسم تعین معناسنه
در و متعیندن مراد انک حقیقتی در تکیم حدیثه کاور
رب ارنا الاشياء كما هي پس بر مکه مثلا اسم
غنی پیدا کردن صکره لوتی دخی بیلک کر کدر که
ایض و یا اسود در اندن سماعه صوتی و شمیله ریخی
و طعمه ذوقی و لمسبله این و خوشوندنی ادراک ایلر
اندن اخلاق و خواص و منافع و مضارینی معرفته
انتقال ایدر اندن بونلرک و راستنده اولان
حقیقتی ادراکه تجاوز ایدر پس بر غمک حالی بویله
اولیجق جمیع اشیا دخی بو کاقیاس اولانه و جمیع اشیا انک
حقایقن اجمالا و تفصیلا درک ایدن نه مرتبه به قدم
بصمق کر کدر ملاحظه اولانه و اول که عقاید کابنده
حقایق الاشياء ثابتة و العلم بها متحقق دینلشد
علماء ظاهر دیر لر که مقصود جنس حقایقه علمدر
زیرا هر برینه علم تعلق ایتما مشدر فاما جوابی آساندر

زیرا جمیع اشیا انک حقایقن فرد واحد بیلک کفایت ایدر
خصوصا بو قدر کل اولیا بطریق المکاشفه بیلشدر
وقاصر لر نیجه علوم غریبه تعلیم ایلشدر بو اشیا انک
حقایقنه علم تعلق ایتمه خلقتی عبث اولور حکیم
الهی بدن ایسه عبث نسنه صادر اولمز انک چون اوائل
سورده اولان مقطعاتک حقایقن اهل الله کشف
ایله معلوم اولمشدر آنی تنزیل بالکنز ایمان ایچوند ر
دیمکده قصور وارد رولکن حقایقن افشایه مأذون
اولماق حسیله ستر ایدر لر و لوازمی بیان ایله
اکتفا ایلر لر زیر اسلطان المفسرین و ترجمان القرآن
بیور مشدر در **که** ابهمو اما ابهم الله و فصلوا
ما فصل الله پس ابهام اولنقدن بطلانی لازم کلز
بلکه قاصر لر صیانت ایچون ابهام اولور و حدیثه
کلور ان للقران ظهرا و بطننا پس قرأناک مد اول
ظاهر یسنی علمای تفسیر و مدلول باطنیسنی اهل تحقیق
تاویل ایتدوکیدر و لکن مؤل اولان کتاب وسنته
موافق کر کدر زیرا دیمشدر که حقیقت **که** کتاب

و سندن اکا ایکی شاهد او ایله الحاد و زندقه مقوله
 سیدر زیر اقرأ نده کلور و لار طب و لایا بس الافی
 کتاب مبین باطنیه طائفه سنک مر دود اولدیغی
 ظواهر قرآنی ردایدوب بو اطنی دخی کندی هواری
 اوزرینه حمل ایتدکلرند ندر سوال اولنور سه که انبیا
 علیهم السلام لسان باطن ایله نیچون تکلم ایتدیلر
 جواب بودر که عوام و خواصک مجموعنه مبعوث
 اولغله بحسب الظاهر خطابی تعمیم ایدوب بحسب
 الباطن تلویحات ایله اکتفا ایلدیلر زیرا دیمشلدردر که
 لا یباع الابل فی سوق الدجاج و هجرت
 نبویه دن التیوز تاریخنه کلجه خواص امتک لسانه
 کتوردیکی رموز مقوله سی ایدی زیرا شرح و تفصیله
 مأذون دکلملر ایدی صکره اکبر ورثه دن نیچلدلر بحسب
 الاقتضا مأذون اولوب بولسانده کابلر تألیف ایلدیلر
 بویله ایکنینه فهمنده صعوبت وارددر زیرا مذاق
 لازمدر کیمیا علمی کی که نقدر اظهار اولنسه حیرت افزا
 اولور بو سیدن دیمشلدردر که خذما صفا دع

ما کدرود ینلمشدی دع ما یریک الی مالایر یک
 زیرا عقله کنجا یشدن دور اولان نسنه زهر قاتل و سم
 هلاهل کیدر پس انکارده عجله ایتوب اکا بردن
 صادر اولان کلامه محمل صحیح تتبع ایتک کر کدر
 هیچ اولمزسه باری اربابی یلور دیواهلنه احاله لازمدر
 واحیاء العلومده بعض عارفیندن نقل طریقیه
 کلور که برکسه نک بو علم و هیبدن نصیبی اولمسه سوء
 خاتمهدن خوف اولور العیاذ بالله وادنا ی نصیب
 بو علمی تصدیق و اهلی تسلیمدر اهلی بلمکه ایسه
 زیاده صعوبت وارددر زیرا عامه ناس شمعی کرامت
 اهلی آرلر کرامت کونیه ایسه ولایتده شرط دکلدردر
 شرط اولان کرامت علیه در که ذکر اولنان حقایقه
 متعلقدر و نیجه لر دخی حقیقت دیو سویلرلر و یازلر
 آنی دخی تشخیص ایتک زیاده کوجدر صراط
 مستقیمه اهتدا عقل سلمی و طبع مستقیم و ذوق
 صحیحی اولنلره مخصوصدر هر علم هدی و هر حال
 طریق اوزرینه دکلدردر طرق ضلالت چوقدر

مراتب اربعه ده اهل سنت و جماعت مذهبی
اوزرینه اولان قتی نادر در که فرقه ناجیه اولان
بونلردر محرره بولمینه سالک قهردن نجات * لطف
یوزندن بوله می درجات * بعد ذاعلومی آمده نسبت
ایلمدی زیرا انسان مظهر سر تا مدر تکیم حدیثه کلور
ان الله خلق آدم فتجلی فیہ ای جمیع اسمائه
الجلالیه والجلالیة ملک ایسه حقیقت بسیطه یعنی
یا لکن جماله و جن یا لکن جلاله مظهر سردر و بوسر
اشاره حدیث شریفده کلور اللهم اغنی
بالافتقار الیک افتقادن مراد جمیع اسماء الالهیه
نک یوزندن حقه انتسابدر بومعنی ایسه کمال اوزره
فخر عالمه صلی الله علیه وسلم مبسر اولمشدر زیرا
حقیقت محمدیه واسم اعظم بر در جمیع اسماء ایسه
اسم اعظمک تحت حیطه سنده در پس ملکده ترقی
یوقدر خلقتی رفعی اولدیغی کی علمی دخی رفیعدر
مکرکیم نادر اوله تکیم حضرت آدمک تعلیم ایلمدیکی
اسما ابله ترقی بولایلر انسانده ایسه ابدی ترقی واردر

زیرا خلقتده اطوار مختلفه اوزرینه تدریجه کلور کی
کی تکیم قرآنده مواضع کثیره ده مصرحه در
علمده دخی تدریج اوزرینه در انکیچون دیمشلردر سیر
فی الله نهایت یوقدر یعنی انسانک سیرینه دنیا
و آخرتده نهایت کلز بلکه دائم ازدیاد اوزرینه در زیرا
تجلیات متنوعه دن علم دخی متنوع اولور و لکن
مقاماته نهایت وار در بر پادشاهک اولکه سی
مضبوط و ممالکی محدود ایکن تنوعات احوالنه نهایت
یوقدر و بومقامدن مولانا قدس سره بیورر ای برادر
بی نهایت در که هست * و بومعنایه اشاره تنزل تفعل
صیغه سی اوزرینه ایراد اولندی زهی علم شریفکه
ملک اکار شک ایلیه و هدایی قدس سره کلماتده کلور
بر اوز که علمه عالم اول ملک آنی بیلز اوله حضرت آدمک
ارضه هبوطی بو علم ایچون ایدیکه ظهوری عشق
اوزرینه مینی و عشق دخی درد اوزرینه موقوفدر
جنتده ایسه درد و بلا اولمز بونک نظیری ند ماء
سلطاندر زیرا بونلرده ایالت بکاری کی وقوف و تجربه

یو قدر پس قلعه محافظتری ند ما دن اکل و خدمت
 اهلی معطلدن افضل در قطبیتده تنزل وار در
 دید کبری معنای لغویسنه محمول در مقصود مرتبه
 خدمته تنزلدر انکچون انبیا و کل اولیا مقام خدمته
 مقامات شدا ند ایتش لدر و قرانده کماور
 سبحان الذی اسری بعبدہ یعنی انسان
 اسراء مرکب و اسراء بسیطی عبودیتده بو اور که
 خدمتدر زیر عبدک مولا اولدیغی یو قدر و بوسیدن
 مجانینه اعتبار یوق در زیر اوزرلندن قلم مرتفعدر
 و سکر اهلی دخی صحواهلانه کوره پست پایه در زیر
 سکر جنون کیدر انکچون سکر غالب اهلی
 مسلوب العقل والاختیار او اوب بعض تکالیف
 شرعیه بی اقامت ایده منزل مثلاً حال جزیهده سا قظ
 اولوب افاقت بوانجه نمازه قیام ایده مزو کیمینک
 سکری اون کون ممتدا و اور لمحرره شرف علم ادعی
 یله کوره * خدمت دین مبینی قیله کوره * دیرایسک
 ظاهر اوله نور خدا * ماسوا کردینی دلدن سیله کوره

* (فا عجز الخلاق یق) * ظاهر اولان بودر که فانک
 سببیتی یا لکن تنزل علومه کوره در یعنی تنزل علوم
 و خصوصاً تنزل قرآن سببیه جمیع خلایقی اعجاز
 ایلدی یعنی عاجز قویدی و کیمسه علمده مطلقاً انکله
 مناظره و مباحثهیه قادرا و ایلدی ظاهری اهل ظاهره
 دایل و باطنی اهل حقیقه برهان اولدی و علمندن
 قطع نظر لسان مبارکنده اولان فصاحت و بلاغته
 دخی کیمسه مظهر اولدی انکچون حضرت عمر
 رضی الله عنه سئوال ایدوب یابی الله مالک افصحننا
 دید که فخر عالم صلی الله علیه وسلم بیوردیلر که
 جاءنی جبریل فلقننی لغة ابی اسمعیل و دیمشلم
 در که قدر کالات بشریه و ارایسه قوی
 و فعلی و خلقی و خلقی و دنیوی و اخروی جمله سی
 فخر عالمک صلی الله علیه وسلم کالات جامعده سندندر
 انکچون هر فصیح و بلیغه جواب ویر و هر مقامک
 مشککن حل ایدر و کما تبارک و تعالی تعلیم ایلر
 وار باب حرفته علوم حرفتدن چوق نی تعلیم

پورر دی بوسیدن جمله خلق انک علمه زبون
 و کانه مسخر اولدی بو علمک سبيله در که ایله
 معراجده جمله مقامات انبیای کذرایلدی
 و موسی علیه السلام غیرتدن اغلدی و جبریل
 علیه السلام انک سیرندن عاجز قالدی و کل امت دخی
 بقدر الاستعداد بومعنايه وارث اولدیلر انکچون
 بعضی بشرانده وارد اولدیغی اوزره امام غزالی
 قدس سره حضرت موسی علیه السلامه جواب
 ویردی و نیجه سی ارواح سلفه ترقی کوسه تزدی
 و بعضیلرینک قبرده جوابی فهم اولمیب منکرین
 عاجز و متحیر ارجوع ایلدی زیرا بونلرک علومی
 لدی مقوله سیدر و اول مرتبه مک لفظ و معناسی
 شامل استرسالات و تنزلات ربانی بی عقل درک ایده مز
 و شعور و ادراکده بونلرک کتدوی یوله کیده مز بوندن
 فهم اولدیکه علومده تفاوت واردرا کرچه که هر علم
 صحیح نفسنده کمالدر یعنی نقصان و کمال بری برینه
 اضافتله در بومعنی ایسه نفس الامر کالدرینی منافی

دکدر تکیم وزارت کمالدر کرچه که سلطنته کوره
 نقصاندر فافهم جداولا کن من اهل الجرح
 المطلق فانه لبس بمرضی عندرب الفلق فاما
 اولکه دیرلر علم حجابدر و عارف بالله او قومق
 یازمق نیلر و درس علومه اشتغال بعد حقه سبب
 اولور بونلر بونلرک امثالی ما ولدرا اهل طعنک و قائل
 جاهلک فهم ایتدوی کی دکدر زیراجله اوزرینه
 علم حالک و جوابی متفق علیه در تکیم حدیث شریفده
 کلور طلب العلم فریضة علی کل مسلم برکوی طریقت
 نام کابنده جهلانک حالی مطلقا صوفیه ید اسناد
 ایدوب عموم اوزرینه تخطئه قلادیغی خطا در
 زیرا هر فریقت مقلدی و محقق و بلکه مؤمنی و کافری
 اولور فسق و فجور و الحاد و زندقه اسکیدر هر اقراره
 برانکار هر ایمانه برزنار و هر نوره برنار و هر کله بر خار
 توأم اولدیغی شمدیمی بیلنمشدر * کج و مار و کل
 و خار و غم و شادی بهمست * پس علماء رسوم آراسنده
 نیجه فاسق و فاجر بلکه نیجه کافر و اربکن آنلرک

هناک حجاب اولدیغی رینه کوره در تکیم علمای
 رسومک اکثری خطاء علوم رسمیه و اعتبار حرکات
 فسق ایله حقایقندن محروم اولمشدر فاما بعض کلدن
 منقو ایدر که بو عبارتله بیورر فی زماننا قوم لا یجعی عدد
 هم غلب علیهم الجاهل بمقام العلم و لعبت بهم الاهوا حتی
 قالوا ان الله حجاب و لقد صدقوا فی ذلك او اعتقدوا ای
 والله حجاب عظیم بحجب القلب عن الجاهل و اضداد
 و فافهم من صفة

اعتقادات سیئه و اعمال قبیحه سنه نظر ایدوب
سائر علماء سنتی جرح و طعن ایتک جائز اولمدیغی
کی متصوفه اراسنده دخی نیجه ملحد و زندیق و زایغ
وضاله باقوب سائر علماء باللهه اطاله ایتک درست
دکدر زیراساری دکدر بلکه هرکس کندی علمینه
میهوندربو مقامک تفصیلی وارد در حقیقتنه و قوفه
علم نافع و کشف جامع کر کدر نعوذ بالله من ان اکون
مظا هر قهره لمحرره صمنه کیم عالمده هر بر آدمی
انسان اولور * کیمسی انسان اولور سه کیمسی شیطان
اولور * (وله تضائلت الفهوم فلم یدرک که مناسابق
ولا لاحق) * وانک ادر اکیچون فهوم خواص
وعوام تضائل ایلدی یعنی ضعیف و حقیر و عاجز
اولدی پس بزدن کسه آنی کناهی اوزرینه ادراک
ایتمدی نه سابق که امتک مقدملری ونه لاحق که
مؤخرلری نیتکیم محمدیه ده کلور کیمسه بیلزدی که
اول نه شاه ایدی * و بردخی سابق ایله مراد ابرارد
و بردخی سابق ایله مراد فضل ایله سلمی سبق ایدن

ولا حق

ولا حق ایله مراد علمده سلفه لاحق اولاندرو بردخی
سابق روح و لاحق قلبد زیرا قلب روحله جسدک
ازدواجندن حاصل اولمشدر پس روح و جسد پدر
ومادر کی مقدم و قلب فرزند کی مؤخر در و بردخی
جائز در که سابق ایله مراد امم سالفه و بلکه
انبیاء ماضیه و لاحق ایله مراد امت مرحومه و بلکه
اولیا اوله یعنی حقیقت اوزرینه آنی نه انبیاء و نه امتک
خواص و عوامی بیلدی زیرادیمشدر که علوم اولیا
علوم انبیادن یدی دریادن قطره کبیر و علوم
انبیاء علیهم السلام دخی فخر عالمک صلی الله علیه
وسلم علمندن بحار سبعه دن قطره کبیر پس
برسنه نیک که حقیقتی ادراکدن اکمل ناس عاجز اوله
سائر ناقصلر نو جهله ادراک ایدرلر انکچون منادیدی
یعنی ضمیر کمل بشردن کایه در و بوندن ملک ادراک
ایتمک لازم کلز زیرافاضل بیلدوکنی مفضول نه بیلدور
بو مقامک تحقیقی بودر که انسان کامل موطن
کونینده اولدجه معروف و مدبر کدر حقن عالم عزت

و جبروته قدم باصوب و ادخلى جنتى مقابله سنده
 اشارت اولنان جنت مضافه به دخول ايلسه جميع
 خلقك نظرى اندن منقطع اولور و عالم غيبه
 مستبحن اولوب قالور جسده و آثاره باقوب پيلندى
 و كوزندى قياس اولنور مع هذا فى الحقيقة مجهول
 و غير مدرك در بونك نظيرى سلطاندر زير اساطيك
 سرايى برقاج طبقه در پس سلطان سرايك خارجنده
 اولد جبه كه عالم اثار در مشاهده اولنور خارج
 سرايدن دخول ايتد كده عوامك نظرى كسيلور
 و داخلينه دخول ايتد كده خواصك دخى نظرى كيلور
 و تخته جلوس ايتد و كى حاليه اولان سلطنت ذوقنى
 جالسدن غيرى ادراك ايلز اگر چه علم يوزندن اطوار
 پيلنور و جميع مقاماته دخول حاصل اولور و لكن علمه
 قدم مقارن اولماد جبه معلوم اولان مطالوبك اواز ميدر
 حقايقى دكلدر پس مطلقا انسان كامل ادراك
 و انحق مشكل اوليحق مظهر اسم اعظم اولوب مقام
 اوداناده متمكن اولان فخر عالم صلى الله عليه وسلم
 نيجه ادراك اولنور بومعنايه اشارت جنت عدنده

وسيله مقامنده ساكن اولور زيرا وسيله نك فوقنده
 مقام يوقدر و شجره طوباك محمدى المقام اولديغنى
 سري دخى بودر ديمشلى حق بيلكدن انسان كاملى
 بيلك صعبدر زيرا حق تعالى جمال و جلال و نهايت
 كماله معروفدر بشر ايلسه منشا بهاندركه وجود
 حقيقى و وجود اضافى طرفلرينه ناظر در پس سايله
 نظر ايدن نور شمسدن محروم اولور و سايله نك وجودى
 كشف اولمغله عامه نك نظرى اكادر كور رمز
 ميسن كه بر كپسه بر پنجره دلو كندن طشمه بر نسته
 القايتسدر مى طريقيله اول مى اولان نسته بحسب
 الغالب پنجره نك آغاچنه و يا تيمورينه اصابت ايدر
 زيرا آغاچ و تيمور محسوساتدن و روزه ارالغى هوا
 مطلقنددر محسوسات ايله الفت ايسه غالبدر پس رامى
 هوا مطلق جا نينه رمى ايتدم صانور بويله اولسه
 اصابت ايدر دى و لكن غلبه حس ايله خطا ايلدى
 انكجون بر ظاهر دن باطنه عدول و صورتدن معنايه
 انتقاله قنى كو جلك وارد و بوسره اشاره بعضى كلمات

کارده کاور اولسانک کوکلندن شیتا للهی کسمه کیم
 سکا همت ایدن اول کوز ایله قاشی دکل بوندن مراد
 نظری ظاهره قصردن تحذیردر کفارک خذلانی
 وارباب انکارک حرمانی هب بوجیهندرنعوذ بالله تعالی
 المحرره نیجه یلمسون حق باقی جاهل * نیجه کورسون
 بوحالی اعمی * کنهنی کیم یلمور مسما نک * کرچه
 دللرده سو یلمور اسماء * (فریاض المملکوت بزهر جماله
 مؤثقه) * مملکوت عالم ملائکده وعالم ارواحه شاملدر
 وهر نسنه نک باطننه مملکوت دیرلر مثلا نفس ناطقه
 ملکوت ندر انکچون آخر یسن ده فسبحان الذی
 یبدده مملکوت کل شیء بیورلشددر یعنی
 هر نسنه نک باطنی وروخی قبضه قدر تنده در بونده
 مملکوتی ریاضه وجمال نبوتی شکوفه به تشبیه واردر
 ریاضتک ایناقی یعنی خوشلغی شکوفه ایله اولدیغی کی
 مملکوتک خوشلغی دخی جمال محمدی صلی الله
 علیه وسلم ایله در حقیقی بودن که مملکوت الفاظ
 وجمال محمدی صلی الله علیه وسلم معنی کبیر افظک

حسنی ایسه معنائک حسننه تابعدر جمال محمدی
 بونشاه انسانیه به تنزلنده عالم مملکوته مرور ایلش
 وآنک صورتیه صورت بولمشیدی انکچون بوجمال
 حقیقی وکمال معنی ایله ریاض وارمونق و معجب اولدی
 بعد ذامملکوت عالم ملکه نسنه لطیف ونورانی
 اولغله ظهور جمالی اکانسیت ایلدی زیراجال حسن
 و بها ونورانیته عبارتدر یت * دبیر صنع نوشت است
 بکردعارض تو * بمسک ناب که الحسن والملاحه لک *
 * (و حیاض الجبروت بفيض انواره متدفقه * جبروت
 عالم اسماء و صفاتدر وعالم مجرداته دخی دیرلر یعنی
 ایداندن مجرد ذوات که انلرده نه لطیف ونه کثیف
 جسم یوقدر یعنی عالم عظمت وعالم مجرداتک حیاضی
 آنک فیض انواریه تدفق ایلشددر یعنی دوکلمشددر
 مقصود اول حیاضه دوکلمن آنک فیض انواریدر
 دیمکدر پس بونده دخی جبروتی حیاضه وفخر عالمک
 صلی الله علیه وسلم فیض انوارینی آیه تشبیه واردر
 وتدفقه کی سرعت سیلانده اشارت واردر که

ابتدا عالم اسما و صفاتك ظهوری و مجرداتك حصولی
 بوفیضه اولمشدر و بوعالمه فیض جـ له دن مقدم
 كمشدر بعد از اعالم جبروت عالم امرك نورانیتدن
 اختراعه قریب اولمغه فیض انوار اثبات ایلدی
 و مجرداتده حکمایله متكلمین اراسنده كلام وارد
 حکماء عقول و نفوس مجردیه ملائكه كروبی ايله
 تفسیر ایشلردر و لیکن بعض صوفیه محققین قتنده
 عقول و نفوس مجرداتدن دكلدر كروبیون دیدكاری
 ملائكه مهمیوندر كه استغراق مشاهده دن ناشی
 آدم و عالمدن فارغ و بی خبرلدر و بونلر حضرت آدم
 علیه السلامه سجده ايله مأمور اولما مشلردر بونلردن
 ماعداسی مأمورلدر و ارواح مجرداتدن اولدیغی
 صورتده امام محمد غزالی رحمه الله حکمایله متابعت
 ایدوب متخیر دكل و طامسك برجهشده دخی دكل
 وابدانده داخل واندن دخی خارج دكل دیمشدر
 فاما برادری احمد غزالی قدس سره سراج العقول
 نام کتابنده آنی رد ایدوب متخیر در دیمشدر زیرا بذاته

قائم اولان نسنه عند المتكلمین متخیر در پس بونلرك
 قتنده جواهر غیر متخیره یوقدر حکمادیرلر كه عرشك
 ماوراسی لاخلاق و لاملا عالمیدر و صوفیه دیرلر كه بلكه
 عالم ملا در زیر ارواحله طلودر و صوفیه نك بوكلامنده
 ارواحك تخیرینه اشارت وارد و مهمیون عالم ندوین
 و توسط یرك ماوراسنده در عالم تدوینك اولی هیم اعلادر
 و حکما ذاهب اولدیغی اوزره مجرداته قائل اولمقد
 ضرر بودر ~~كه~~ قدمنه ذهاب لازم كلور حقدن
 غیری ایسه قدیم یوقدر و بعضیلر عقل اولی ملائكه
 دن عدد ایدوب دوام حقله دوامنه ذاهب اولمشلردر
 مزالقی اقدامدن بر محملدر بوندن زیاده مباح
 حشه كنور من والعملم عند الله تعالى بوفقیه لایح
 اولان بودر كه مجردات ~~كه~~ مبدعات دخی دیرلر
 وجودی ماده دن دكل ومدت ایچنده دخی دكلدر
 پس مدت و زمان ایچنده اولمیان نسنه نوجهله متخیر
 اولور شـ و قدر واردر كه روح جسد دن مفارقتدن
 صكره صورت جسم ايله تمثیل ایدر پس متخیر اولمق

لازم کلور الحیره تقدیر اولسه برکشی عالم *ینه بلزندر
حقیقت روح *هرند کلو صحیح ایسه سخن *فی الحقیقه
اولو بدرر مجروح *ولاشی الاوهوبه منوط اذلاوالوا
سطه لذهب کما قبل الموسوط *یعنی برنسته یوقدر
موجود اندن که فخر عالمه صلی الله علیه وسلم منوط
وحر بوط اولیه زیرا دیتلشد که اگر واسطه اولسه
موسوط هلاک اولور و فنا بیاوردی موجودات ایسه
وجود خارجی ایله موجودلر و بقاء ذات ایله متصف لر در
پس بویقاده البته بر واسطه یه تعلق ایتشلر و بر فیض
خاصه نما بواوب بتمش لر در و اول واسطه فخر عالمه
صلی الله علیه وسلم زیرا حق ایله خلق آراسته اندن
غیری واسطه فیض و جود یوقدر تفصیلی بودر که
الله تعالی عوالمک جسمانیات و روحانیاتی منسلل
قیلشدر و حقیقت محمدیه دن جمیع اشیا ملک حصه سی
وارد کرک جزوی و ککری کلی و بوح حصه ایله
اول حقیقه حر تبط اولمش لر در شویله که بو تعلق
و ارتباط اولسه وجود لری منعدم اولور دی زیرا

وجودک

و جودک بقاسی فیض دائم و متصله منوط و تجلی
متعاقبه مر بو طدر یو فیض ایسه و ساطت حقیقت محمدیه
ایله اولور زیرا هر کسک و جودی جمیع مراتبه
بالذات حقندن مستفیض اولغه مستعد دکلدر و الا
ارسال رساله حاجت قالمزدی بو معنایه بناء ارتباط
لازم کلدی بو مسئله نک خارجه نظائری چوقدر
مثلا وزیر اعظم اولان کسسه پادشاه ایله خلق آراسته
واسطه در اگر بو واسطه اولسه مصالح ناس بمزدی
زیرا پادشاهک شانی بحسب الغالب احتیجا بدر
وهر مصلحت که وزیر اعظم یوزندن بتر پادشاهه
مستنددر و غضروف دید کبری نسبه عظیم و لحم
آراسته و واسطه در اگر اولسه لحمدن عظمه غذا
واصل اولمز و عظیم لحم کی تربیه بولمزدی زیرا مابنده
جهت جامع یوقدر پس اول ذوالو جهین اولان
غضروف عظیمک نما و بقاسنه سبب اولدی و کذلک
قلب انسانی روحله جسد آراسته و واسطه در زیرا
جهت لطافتی ایله برتور روحی اخذ و جهت کثافتی ایله

جانب جسده فیض ایدر جو وسطا طئه روح ایلہ جسم
 اراستہ از دواج ونظام وجود حاصل اولور و کذلک
 اجرام علویہ ایلہ حرکاتی اراستہ نفوس ناطقہ
 فلکیہ واسطہ دراکر اول محرکات اولسہ افلاک دخی
 آسیاب بی آب کی معطل اولوردی و روی دریادہ
 سفینہ ک جریانی عمودہ منوطدر زیرا تقدرا رسان
 واریسہ اکاسر تظ و بادبان دخی ارسانہ متعلق
 و متصلدر اگر یو ارتباط اولسہ سفینہ دن مقصود
 حاصل اولمز و موسوط وجود بولزدی بتکیم بزم
 خامہ مزبو تحریرہ واسطہ درو بعض مکاشفہ باشلری
 اوزرنده آسمانہ پیوستہ رشتہ کی نسندہ مشاہدہ
 ایدر لرمش مقصود عالم حقیقتہ اولان ارتباطی
 تصوردر یوفقیہ ارتباط مذکور غیر اسلوب ایلہ
 تمثل ایشدر پس ارتباط حالی معلوم اولد قدہ
 واسطہ یہ شکر لازم کلدی انکچون انبیا و اولیا
 و علما ک حقوق فوق ابویندن زیادہ در* (صلوۃ
 تلیق بک منک الیہ کما هو اہلہ)* یعنی فخر عالم صلی اللہ

علیہ وسلم اوزرنہ سکالایق اولان صلوۃ ایلہ صلوۃ
 ایلہ کہ اول صلواتک ابتداسی سندن و انتہاسی اکا
 اولہ یعنی صلواتک انک روح پاکنہ واصل اولہ و اول
 صلواتی آنک اہلبیتنہ کورہ ایلہ و لکن آنک
 اہلبیتنہ کورہ اولان صلوۃ لایقہ ک معناسنی
 فی الحقیقہ ککندی ایلہ اللہ تعالیٰ لدن غیری
 کچسہ بلمزیرا اللہ تعالیٰ ک عباد اوزرنہ صلاتی
 وجو مختلفہ اوزرنہ در کہ ہر کسک مقامنہ کر در
 یعنی کچینہ رحمت و مغفرت و کچینہ برکت و کچینہ کشف
 و کچینہ مشاہدہ و کچینہ جذبہ و کچینہ قربت و کچینہ
 وصلت و کچینہ فنا و کچینہ بقا و کچینہ دخی غیر معنیہ
 محمولدر ظاہرہ نظیری صلات و عطایای سلطانیہ
 در کہ ہر کسک استحقاقنہ کورہ و بریلور ہر کدایہ
 براغوردن بر خزنہ و برلمز و قبل تحصیل الاستعداد
 صدر وزارتہ تصدیر اولمز ہر نسندہ اندازہ مرہیدر
 انکچون قرآن کریمہ ازال میران اللہ امتیان واقع
 اولمشدر چونکہ فخر عالم صلی اللہ علیہ وسلم

عند الخلايق مقامی مجھ و ولد سلطان اعظمک
 رعایا فتنده حالی مبهم اولدیغی کی پس اکا افاضه
 اولتان حقیقت صلواتی کیمسه ادراک ایتک ممکن
 دکلدر و بومعنا بی مؤید حدیث شریفده **ک**لور
 لی مع الله وقت لا یسعی فیہ ملک مقرب ولا نبی
 مرسل علما نك صلوة حقده ایلد کلری تفسیر
 حقیقت صلواتک لوازمندند ریوخسه حقیقتده
 مرادی تعیین دکلدر زیرا انسان واقف
 اولدیغی علمدن خبره یرمک جهلدر بعد ذا
 بو کلامده فخر عالمک صلی الله علیه وسلم زیاده عنایت
 حقده اختصاصی بیان وارد زیرا افراد موجوداتدن
 بر موجوداتک اهل اولدیغی معنایه اهل اولما مشدر
 انکچون آنک مرتبه سسندده صلواته مستحق دکلدر
 و قرآنده کلور هو الذی یصلی علیکم وملائکتہ
 لیخرجکم من الظلمات الی النور بوراده ناس
 اوزرینه اولان تصلیه اخراج ابله تعلیل اولندی زیرا
 افراد امتدن هر فردک حالته کوره ترقی وتنزل وارد

فاما فخر عالم صلی الله علیه وسلم اوزرینه اولان تصلیه
 مطلق ذکر اولندی تکیم قرآنده کلور ان الله
 وملائکتہ یصلون علی النبی زیرا فخر عالم صلی الله
 علیه وسلم مقامات ترقینک ذروه سنده در پس اول
 ذوق ترقی ندر کیمسه طائما مشدر و قرآنده کلور عسی
 ان یتبعک ربک مقاما محمودا مقام محموددن مراد بالکثر
 شفاعت عظمی مقامی دکلدر بلکه جمیع مقاماتک
 کلیندن عبارت اولان بر مقام عالیدر که شفاعت
 عظمی مقامی آنک افرا دندندر پس بوندن دخی سر
 صلوات فهم اولندی لحرره چونکه هر وجهله اولدک
 محمود * سکافیض اولدی مقام محمود * انبیا امتکدن
 اولمشدر * اولیا بنده لرندن معدود * اللهم انه سرک
 الجامع الدال علیک معلوم اوله که اسرار چوقدر زیرا
 هر نوعک و هر صنفک وفردک اسرار خاصه سی
 وارد رانکچون سر بشره ملک و سرملوک رعایا و سر
 انبیا و اولیا و سر علمایه امیون و سر خواصه عوام
 واقف و مطالع دکلدر زیرا وجه خاصدندر

الله تعالی ایله کند و لری ارا سنده در و خصوص اوزرینه
ایکی سر عظیم وارد در که بری سر انسان و بری سر
حقدر سر انسان حقیقت انسانیه دن عبارتند که
حقیقت الهیه صورتی اوزرینه ظاهر اولمشدر تکیم
حدیث شریفده کلور خلاق الله آدم علی صورته
صورت الهیه دن مراد صفات سبع مرتبه در که
حیوت و علم و ارادت و قدرت و سمع و بصر و کلام در
پس صورت آدم بو صورت الهیه اوزرینه کلمشدر
زیرا بالفعل مظهر در و انسانک سری سر حقک
ظاهری و صورتیدر و اما حقک سری سر انسانک
باطنی و حقیقتیدر و بو سر الهی اسم اعظم دن عبارت
اولان کافه اضافت اولندی انکچون جامع دیندی
زیرا جمیع اسراری جامع و جملة حقایقه شاملدر
و فخر عالم صلی الله علیه وسلم آتک حقیقتی ایله ظهور
ایلمشدر که دالدر زیرا عوالم ایچنده حقیقت
محمديه عالم اعلادر و ذات حقده دلالت ایدن اشیا ده
حقیقت محمدیه دن اوسع و اولی بو قدر انکچون

بو حقیقتک فلکی حیوتدر پس حیوتده فلک عرش
کی احاطه نامه وارد در زیر اجله یه ساریدر کچنده حقانی
و کچنده صورتی پس حیوتدن اوسع بو قدر جواد دیمک
عبارت ظاهرا در مثلاً میتک حیوت حقانیه سی
وارد در که مکاشفه ایله ییلینور اگر چه که ظاهری جواد در
و جحرک دخی بو معنا جه حیوتی وارد در انکچون
حضرت موساک صلوات الله علی نبینا وعلیه و بی
آلوب فرار ایلدی تکیم تفاسیرده مبیندر بو سیدندر که
قیامت کوننده مؤذک صوتی ایشیدن رطب و یابس
شهادت ایتسه کر کدر تکیم حدیثده مصر حدر
شهادت ایتسه حیوة و علم اهلنه مخصوصدر و مأکولات
و مشروب اتدن صحت و جود و بقای بدن حاصل اولمی
حیواتند در زیر محض جواد دن نعم حاصل اولمز
و بو بر سر عظیمدر که اهل الله بیلور تکیم قران
کریمده کلور و ان الدار الاخرة لهنی الحیوان
دار آخرتده اشیانک حیوتی ظاهر و دار دنیا ده مستوردر
سری بودر که دنیا قالب و آخرت قلب کیدر که

بری کشیف جسمانی و بری لطیف روحانی و آخرتده
قلب قالب صورتیه تصور ایلسه کر کدر انکچون
آخرته عالم صفت دیمش لدر زیر ادنیاده اولان صفات
قلبیه اوراده صورت قالبیه به دخول ایدر تکیم
قرآن کریمده کلورفتا تون افواجا بو عالمده
اوحیاتک ظهورینه کثافت مزاج مانع اولمشدر
اهل اللهک کمال لطافتلری اولمغله ادراک ایدر لر
وبوموطنده رؤیتدن منع اولمق دخی بوسراوزرینه
مبنیدر انکچون ارباب بصیرت باطن و وجدان ایله
ادراک و شهوده قانعلر در فاعرف و اغتم لمحرره حاصل
اولسه دله تجلی حق * روشن اولوردی خانه سی مطلق
* خانه کیم روزنه سی یوقدر انک * نور خورشید دن
اولیدر مغلق (وله) کورر هر جسم و جان ایجره براوز که
جانی جان اهلی * ییلور بور می ای حق حیات جاودان
اهلی * (وحجابک الاعظم القائم لك بین یدیک) *
بالاده واسطه عبارتیه انسب اولان بودر که بوراده
حجاب حاجب مع اسنه اوله ر ا حاجب یعنی بواب که

ایرده داردخی دیرلر داخل ایله مدخول علیهمک
واسطه سیدر ولکن تحقیق بودر که حجاب
اعظم حدیث رؤیتده مصرح اولان رداء کبریایه
اشارتدر که حقیقی رتبه مظهردر و بورته ایننه مثال
اولمغله رؤیت اکامنوط اولدی بصیرله کورینن ردا
و بصیرتله کورینن اول ردا ایله مرتدی اولاندر
تکیم عادت عریدر که باشند یا غمدل ردا ایله بورینور
کورینن ردا رکندی دکل تکیم چکر دک اغاج
صورتیه ظاهر اولور چشم ظاهرله کورینن اغاچدر
چکر دک دیده باطنله مشاهد اولنور و بورته
مظهردر که ذکر اولاندی هر کسه کوره حقیقت
مجدیه دن حاصل اولان حصه در و هر بر حصه
مظهره کوره حجاب چیز ییدر پس حقیقت مجدیه
حجاب کلی واعظم اولور بو خود معلومدر که ایننه
رائی به حجاب اولمز بلکه واسطه رؤیت اولور تکیم
ردا مرتدی به کوره حجاب دکلر بلکه خارجدن نظر
ایدنه کوره حجابدر و کلام مذکورده حاجی حقه

اضافت ایتدن مراد حقه حجاب اثبات ایتک دکلدر
 زیرا حجاب ایله محبوب اواق محدودک صفتدر حق
 ایدسه محیطدر واحاطه سیک نهایی بوقدر بلکه فخر
 عالمک صلی الله علیه وسلم خلقله حق راسنده حجاب
 وواسطه ورتیه آینه اولدیغنی بیانددر تکیم صدر
 اعظم دخی رعایا ایله سلطان اراسنده حجاب اعظمدر
 وحقه ~~ص~~ کوره حجاب احتجابدر یعنی حق تعالی
 خارجدن حجاب ایله محبوب ومستورد کلدر بلکه
 کندی صفاتیله محتجبدر پس حجاب ایله احتجابک
 میانده فرق ظاهر اوندی وچونکه رؤیت ایددر
 حجاب دخی قائمدر انکچون قائمک دیدی یعنی سنی
 رؤیتیه مرآت اولسون ایچون قائم وثابتدرو دایما
 حضورده در زیرامیانده واسطه بوقدر فافهم خدا
 * واپس وراء عبادان قریه تحرره چشمکه ظاهر ایکن
 اول دیدار * کورمیه بآنی کوررسن قوری دار * وار
 علاج ایله چشمکه ایرکن * نیجه بر خواب غفلت اول
 پیدار * اللهم الخفی بنسبه وحققی بحسبه * (نسب

ابوین جهشتدن اولان اشتراکدر یعنی ولادت قریبه
 راجع اولان نسبه در حسب کشینک کندی نفیسه
 وایا واجدانه اولان مفاخر در وحدیت شریفده
 کلور کل سبب و نسب بنقطع یوم القیمه الاسبی
 ونسبی معلوم اوله که الله تعالی انسانی جنسین
 مختلفیندن ترکیب ایتشد در صورتی عالم خلقدن
 وروحی عالم امردندر پس انسانک نسبی روحنه در
 وروحک دخی انسانی جناب الله و حضرت رسول
 اللهم در تکیم قرآن مبینده کلور و نفخت فیه من
 روحی و حدیث شریفده کلور انا من الله
 و المؤمنون منی ای من فیض نوری خواص عباد
 بونسب اهلندندر بونسب اهلنه غایب اولان
 خواص روحانیتدر شوق و محبت و طلب و حلم و کرم
 و تقوای حقیقی کییکه درجات عالیه به انجذاب بونکله
 حاصل اولور و انسانک صورتی و بشریتی طیندن
 خلق اولمشدر تکیم قرآن عظیمده کلور هو الذی
 خلقکم من طین عوام ناسه غایب اولان خواص

بشیریت در حرص و شهوت و هوی و غضب و میل
 ما سوا که در کات سافله به انحطاط بونلرک
 سببیه در پس معتبر اولان نسب معنوی و نسب
 تقوا در نسب صوری و طبعی دکدر انکیچور حدیث
 شریفده کلمور یا بن هاشم یا تینی الناس باعمالهم
 و نأ تونی بانسا بکم نعم ما قیل وما ینفع الاصل
 من هاشم اذا کانت النفس باهله و حسب ايله
 مراد حقیقته اخلاق نبویه در تکیم عایشه رضی الله
 عنهادن خلق نبی سؤال اولند قدده کان خلقه القران
 دیو جواب و یردی یعنی ظواهر قرآن ايله عامل
 اولدیغندن ماعداد و اطننه دخی مالک و صفت حقله
 قائم و افتقار حقیقی مقامنده دائم ایدی که انسان کامله
 شرف حقیقی بومعنا ايله حاصل اولور تکیم انسان
 نافعه و فاخر نفسانیه و عارضیه ايله در و بو کلامده
 الحاقی تحقیق اوزینه تقدیم ایلدی زیرا بو امرک
 ابتدایی ثعلق و وسطی تخلق و انتهای تکمیل
 جعلنا الله و اباکم من المتخفین بفضله و کرمه لبحرره

نظم قرآنی مجرد صائمه کیم از بر کرک * ادم کامله
 حق خلق بیغیر کرک * (و عرفنی ایاه معرفه اسلم بها
 من موارد الجهل) تعریف ایکی وجهله در بری واسطه
 ايله در کتا بلردن و افواه استا ددن اخذ اولنان بونده
 دا خلدر بوکا وجه عامدن اولان تعریف دیرل و بری
 دخی بی واسطه اولان تعریفدر علم ضروری و جهف
 الهام ايله حاصل اولان بونده مندر جدر بوکا
 وجه خاصدن اولان تعریف دیرل اولکی به اشاره
 ائرده کلمور خذوا العلم من افواه الرجال و خبرده
 کلمور اذا اشکل علیکم امر فارجمعوا الی القرآن
 و السنة و ایکنجی به اشاره قرآن کریمده
 کلمور و اتقوا الله و یعلمکم الله پس بالذات اولان
 تعریف بالواسطه اولان تعریفدن افضل اولمقله
 کلام مذکورده تعریفی حقه نسبت ایلدی و ابو یزید
 بسطامی قدس سره کلماتده کلمور اخذتم علمکم
 میتا عن مبهت و اخذنا علمنا عن الحی الذی لا یموت
 و مقصود فخر عالمک صلی الله علیه و سلم ذات

وصفات و افعال و اقوال و احوالی معرفت اولمغه
 مواردی جمع ایراد ایلدی و علم و معرفت عند
 المتکلمین برادر اگر چه که عند الفلاسفه میانه فرق
 کثیر و ار در پس اهل ظاهره علمای و اهل حقیقه
 عرفادیمک مجرد تمیز ایچوند و بعض حکماء الهیه
 دخی فرق ایدوب دیمشردر که عالم عارفدن مرتبه
 جهندن ارفعدر زیرا علم تصدیق و معرفت تصور
 قیلنددر پس علم حقایق و اوای ادرک و معرفت
 مجرد خصایص و فضائل ادراک و قران کریمده
 کلور هل یستوی الذین یعلمون و الذین
 لا یعلمون یعنی علم شرفنه بناء تخصیص اولندی
 و حدیث شریفده انا مدینه العلم و علی بابها
 تنکیم جامع ترمذی رحمه الله ده مذکوردر و بر حدیث
 شریفده دخی کلور انا میران الحکمة و علی
 لسانه تنکیم امام غزالی لیک رساله عقلیه سنده
 مسطوردر پس شیخ قدس سره معرفت ایله
 مرادی علمدر انکچون جهل مقابله سنده ایراد

ایلدی جهلک کلبسی علم ایله زائل اولور یوخسه
 تصور قیلنددن اولان معرفت ایله اولمز و لیکن
 بواسطه اصطلاحی اوزره معرفت ایله تعبیر ایلدی
 معلوم اوله که علوم و معارف ایکی نوعدر بری حقانی
 و بری شیطانی حقانی اولان ظاهرده کتاب و سنده
 موافق و باطنده ذوق ارباب حقایقه مطابق اولانددر
 بوندن ماعداسی شیطانی بدر خصوصاً عمله مقارر
 اولمیان علم دخی معتبرد کادر زیرا غیر نافعدر معنای
 کلام بودر که بکا فخر عالمی صلی الله علیه و سلم
 بر تعریف ایله تعریف ایله که موارد و مسائل جهلندن
 انکلاء سلامت بوله بن و هر موطن و موضعده کوره
 کاینیغی اهل علم اوله بن * (ومن الامداد لتحصیل
 علوم النافعة الجملة) * لبحره مرغ جانده اوجنده علم
 و عملدر ایکی پر * یوخسه اولوردی هوای جهلده
 زیروزیر * (واکرع بهامن موارد الفضل) کرع صوبی
 ایله یا طرفله تناول ایتیب وضعندن اغزله ایچمکدر
 فضل کسبک غیری طریقله حاصل اولان عطیه

الهيديه دیرل بونده فضلی آیه و محلی مورد آیه و اخذ
 واتصافی کرعه تشبیه وارد در مقصود معسرفت
 نبویه ایله اهل فضل و عطا اولدیغن طلبدر
 انکچون کرعله تعبیر ایلدی زیرا کرعه ده واسطه
 یوقدرید و یا ظرف واسطه قیلنددر فضل ایسه
 بی واسطه و بلا کسب اولاند ر و بو تشبیه نکتہ
 بودر که شریده جمیع عروقه سریان وارد و بوندن
 راسخ فی العلم اولقی لازم کلور که صفت اهل تحقیق قدر
 و مواردی جمع ایراد ایلدی زیرا عطایای الهیه
 بسیار در خصوصایوقا روده اولان معنای جمعیت
 بوراده دخی ملحوظدر * (واحسانی علی سبیل الی
 حضرتک جلا محفوفان حضرتک) * سبیل معتاد السلوک
 اولان طریقه دیرل اضافتدن مقصود سبیل معهودی
 تعریفدر که توجید و تجرید و تفرید در حضور غیبتک
 خلا فیدر غیبت حجاب اکوان و حضور بوجابی کشف
 و ازاله ایله اولور حضرت عیبارتی حق تعالی دن
 گاہه در تنکیم السلم الی حضرته المقدسه دیرل زیرا

حضرتک صاحب حضرته تعلقی وارد و بو مقوله
 کایات آدابنددر پس اضافت پیانیسه اولور مکر
 حضرت قرب معناسنه محمول اوله تقول کنت
 بحضرت الدارای بقربها نصرت دفع ضرره
 منحصر صدر معونت و اعانت اعدا رزیرا سلب مضرت
 و جلب منفعتک محمول غنده مستعملدر تنکیم چند حرب
 ایچون اعداد اولسان عسکره دیرل مطلق عسکره
 دیمزلر معنای کلام بودر که بی اول حضرتک
 طریق مخصوصی اوزرینه سنک حضرتکه برجل ایله
 حل ایله که نصرتک ایله محاط اوله نصرت ذکرینک
 فائده سی بودر که بو طریق بقک مخوف و مهالکی چوق
 و اعداء ظاهره و باطنه سی حددن آرتق قدر تنکیم
 خواجه حافظ دیواننده کلور که * بهر کام دران ره
 خطری نیست که نیست * بونده اشارت وارد که
 کرچه هر سالک حق اسم مخصوصی یوزندن
 حضرته و اصل و سری انک سرینه متواصلدر تنکیم
 دیرل الطرق الی الله بعدد انفا س الخلا یق و لکن

طریق نبویده کلیت وارد و بالفعل ظهور ابله بالقوه
استعدادك میاننده فرق مقرر در بوسیدندر که وارث
اکل محمدی اولانك سنی دخی بحسب الغالب
سن بیغمبری صلی لله علیه وسلم تجاوز اتمیزین محاذات
کامله وارد پس علوم واذواقند بقدر الاستعداد وارث
اولادینگی کی عمرینه دخی وارث اولور انکچون
شیخ قدس سره الی حضرتك دیدی مطلق سو یلدی
مقصود اسم اعظمك کلیتی مقامیدر که جنت عدن
ووسيله بونك صورتی و مرقد منیر خصوص از زیننه
وسيله نك اجمالیدر فافهم جدا و حضور که مقام
عندیتدر جمله مقاماتك فوقنده در انکچون قرآن
کریم دکلور عند ملک مقتدر بحرره سرم
ایر سه مقام وصله * بوله جانم او مقام ایجره حضور
بو حضوره نیجه جان و بر مبهیم * عاشق عاشق اولیدر
معذور * بعد ذاحل لفظیده جذبه به اشارت وارد
زیر سلوک موصوف جذبه به موقوف در تکیم مولانا
جامی دیوانده کاور * سالکان بی کشش دوست

بحای نرسد * سالها کر چه درین راهتک و پوی کند *
بحرره جذبه دن دوز سه شهر سالک * اوله منزلانده
وصله مالک * کیمکه بی جذبه سلوک ایده حقه * عاقبت
اولور بویولده هالک * واقذف علی الباطل فادفعه
باطل نفسنده وجود و نبوت و تحقیق اولمیانده دیرل لسان
صوفیه ده ایکی قسمدر اولکی قسمنه باطل حقیقی
دیرل که نه عالم علمده و نه عالم عینده انکله تجلی
واقع اولما مشدر عدم حقیقی دخی دیرل پس عدم حقیقی
وجود حقیقی به مقابل اولدینگی کی باطل حقیقی
دخی مقابلدر زیر امتزاد فدر و ایکنجی قسمنه باطل اضافی
دیرل که انکله تجلی واقع اولان موجودات
خارجیه درو عدم اضافی دخی دیرل پس عدم اضافی
وجود اضافی به مقابل اولدینگی کی باطل اضافی
دخی مقابلدر زیر امتزاد فدر و وجود اضافی حق مجازی
اولدینگی کی عدم اضافی دخی باطل مجازیدر بطلاقی
نفسنده معدود اولدینگی ایچون در تکیم دینل مشدر
الاکل شیء ما خلا الله باطل و مجاز اولدینگی

وجود اضافی به مجلی و مرآت اولد یغیچوندر پس
 شول آیتسه که قرآن کریمده کلور بل نقدف
 بالحق علی الباطل فیدمغه فاذا هو ذا هـ حق
 آنک بطریق الاشاره معناسی بودر که
 موجوداتی خلق ایلدک وجود حق عدم باطل اوزرینه
 قذف ورمی ایدیجی اولدیغیز حالده پس حق باطلی
 داغ وضاب اولدی و باطل دخی انفس و آفاقدن
 زاهق و زائل اولدی یعنی موجودات ظلمات باطلدن
 نور حقه خروج ایلدی پس وجود حقیقی الله تعالی نک
 وجودی و وجود اضافی ماسوانک وجودی و ماسوا
 باطل اضافی اولدی انکچون هدائی قدس سر
 کلماتده کلور موجود اودر وجودی اوله آنک حقیقی
 یوخسه وجودی زائل پر و هم باطل انجق پس شیخ
 مصلی قدس سره دیمک استر که بنده مستحجن اولان
 وجود حقیقیکن آثارینی باطل اولان وجود اضافی
 اوزرینه طرح ورمی ایله تا که بن اول باطلی ذمغ
 و ضرب و سح ایدیم یعنی ازهاق و ازاله ایده بم

ووجود

ووجود بحازی ایله اتصافدن و کندومه کون
 ضافتدن خلاص اولیم حاصلی کثرت موهومه
 زائل و وحدت معلومه باقی اوله و با فعل ظهور بوله
 پس بومعی فادمغه لفظی فان ادمغه تقدیرنده اولماغه
 کوره در و جا زدر که فاعاطفه و ادمغ امر اولوب
 فادمغه بی تقدیرنده اوله و اکن اولکی معنی نص
 مد کوره مطا بقدر ز بر ادمغ انده حقه مسند در فاعرف
 ذلک * (وزج بی فی بحار الاحدیه) * و بی سوا حل
 کثرتدن بحار احدیه رمی و القا ایله تا که مستغرق بحار
 احدیت اولیم معلوم اوله که احدیت ذاتک و واحدیت
 صفاتکدر مرتبه احدیت جمیع حقایق جامع وجهه
 کثرتک آنده مستهلک اولدیغی ذاتدر که تعین الهینک
 اولیدر انکچون اکا حقیقه الحقایق و حضرت جمع
 و حضرت وجود دبرل بحاری جمع ایراد ایلدی
 احدیتک نهایی اولدیغنه اشا رتدر و با خود احدیتک
 مبدأ کثرت اولدیغنه کوره در پس هر کثرتده بر احدیت
 واردر که هر احدیت بر در یا و هر کثرت بر ساحل کبیر

بودند مقصود کثرات خارجیه مضمین اولدینی
 وحداتی دید بصیرتله مطالبه بی طلبدر و بود وحدتک
 بحسب الکثرات کثرتدن نفس الامرده دخی کثرتی
 لازم کلمز حصص حقیقت محجه کیدر تکیم انسان
 کلی به کثرت اشخاصدر کثرت لازم کلمز بلکه انسان
 نفسنده امر واحد در روح و سائر دخی بویله در
 شمسک پرتوی انتشار حسیه متعده کورینور و لکن
 نور واحد در که شمسه مضاعفدر وسایه نورک عینی
 اولدینی کبی وجود اضافی دخی وجود حقیقتک
 عینی دکدر والا عید حق اولق اقتضا یدر بوابسه
 محاذر الحاصل شمسک انعکاس انوارندن سایه
 حاصل اولور وسایه عارض اولغله زوال بواب
 توهم اولنان اثینیت منحصی و شمس نوری یله باقی
 قالور قوس امکانده اولان خط مترهم فی الحقیقه
 دائره بی تنصیف ایتمز آنک خارجده وجودی موهمدر
 اگرچه که محسوسدر پس وحدت واحدیت منکشف
 اولق امور عارضه دن ناشی اولان کثرتدن نظری
 قطع ایتمکله در * چوبندی از تصاریف شئون چشم *

ترامصدر نماید عین مشتق * بعدذا آب سبب حیات
 اولدینی کبی علم دخی سبب حیاتدر انکیچون احدیتی
 دریایه تشبیه ایلدی زبرامقصود احدیتله علمدر و آب
 هر نسنه ک اصلی اولدینی کبی تکیم نظم جلیله
 کلور و جعلنا من الماء کل شیء حی احدیت
 دخی هر کثرتک مبداءیدر بودند کثرت به تشبیه
 اولمق لازم کلدی فا عرف ذلک لمحرره اوله یلمد که
 بوبحره غواص * اولدی کاملاً ایجره نامک خاص
 * (و نشانی من احوال التوحید) * نسل برنسینه بی
 سرعته تزع ایتمکله دیر احوال و حلاک جمعیدر طین
 رقیق معناسنه احوالدر مراد برازخ و قیوددر یعنی بی
 توحید برازخندن چقار و قیودندن تزع ایله زبر
 توحید اثبات وحدت ایتمکدر که توهم کثرتدن ناشیدر
 انکیچون آتشا غیبده حتی لاری دیرودینلشد که
 التوحید اسقاط الاضافات یعنی ذات حق
 نسبت اضافندن تجریددر و بوذکر اولسان عوام
 اهل توحید مر تبه سیدر انکیچون قل هو الله
 احد وارد اولدی و لا اله الا الله دینلدی و الا کثرتک

وجود موهومی مضاعف اواسه وحدت غیر قابل
 پس حقیقتده کثرت اولیجق موحد نه بی نی ایدر
 و بونده اشارت وارد که توحیدك و را سنده تجرید
 و تجریدك و را سنده دخی تفرید وارد که قران
 كرمده کاور والسما یقون السابقون
 اولئك المقربون وحدیت شریفه کاور
 سبق المفردون یعنی تفرید اهلی تجرید اهلی
 سبقت ایتدی تکیم تجرید اهلی دخی توحید اهلی
 مرتبه ده کجری زیرا ابرار ایله مقربین برادر کلد
 ری صفاتی بری ذاتیدر بحر ره عشقه سلوک بدن
 آدم * صائمسون یوقدر یو بولده وصل * هر که قهر
 ابتد عتقه نفسه * فمجب اواسه لطف حقه محل
 * واغرقنی فی عین بحر الوحده حتی لا یرى ولا سمع
 ولا اجد ولا احس الا بها * عین ذکر لطافتدن خالی
 دکلدر عین دیدی زیرا جسمك و را سنده روح مجرد
 و سرك و را سنده عین مجرد وارد سالک بو عین مجرد
 مرتبه سنده واصل اولدقچه حقیقت وحدت اكا

ظهور ایتز انکچون بو مقامده وحدت دیدی توحید
 دیدی زیرا توحید عبده و وحدت حقه کوره در کذلک
 بحری مفرد ایراد ایلدی زیرا وحدت احدیت کبی
 دکلدر پس بو وحدت ایله مراد وحدت حقیقه در که
 کثره مقابل اولان وحدتک مبدائیدر زیرا کثره مقابل
 اولان وحدت مبداء کثرت حقیقه در وحدت حقیقه
 ایسه مبداء کثرت اعتباریه در یعنی بالقوه کثرتک مبداء
 بالفعل دکل و بالقوه ایله بالفعل بیننده فرقان بین وارد
 زیرا کثرت بالقوه نوانده اولان کثرت بالقوه کبیدر و کثرت
 بالفعل شجره ده اولان کثرت بالفعل کبیدر و وحدت
 حقیقه وحدت نوات کبیدر و وحدت اضافیه که کثرت
 بالفعلک مبدائیدر وحدت بدن شجره کبیدر پس
 ایکی وحدتک و ایکی کثرتک میاننده فرق وارد و بو کثرت
 کیجه کبیدر که نهار وحدته ایلاج اولنمشدر انکچون
 ظلمتی نور وحدته اخفا اولنمشدر و کاه اولور که
 نهار وحدت لیل کثره ایلاج اولنور پس بو صورتده
 نور وحدت ظلمت کثرته اخفا اولندی بو تفصیل

معلوم اولد یسه لا اله الا الله وحده لا شریک له
مقاله سنده اولان وحدتک سری دخی ظاهر اولدی
یعنی بو وحدت ایله مراد وحدت حقیقه در که
نی شریک که مقابل اولان وحدتدر که کثرته مقابل
اولان وحدتک مبدائیدر یو خسه وحدت اضافیه
دکدر زیر ا وحدت اضافیه کثرت کی مخلوقدر تنکیم
مشارق شریف اوزرینه اولان شرح اکلامه مصر حدرد
ویونس امره قدس سره کلماتده کلور یوسفم بتوردم
کنعان ایلنده * یوسفم بولندی کنعان بولنمز * یعنی
یوسف وحدته اول مطلع دکل ایدی کوردیکی هب
کثرت ایدی و وحدت بونک نزه سیدرد بر دی زیر اسلوله
صحیح ایله عالم ترکییدن مفارقت ایتماش وجانب
وحدته سفر ایدوب کتمش ایدی صکره مکاشفه ایله
یوسف وحدتی بولدی کنعان کثرت کور غمز اولدی
یعنی هر تسنده وحدتی مطالعه به قادر اولدی تنکیم
حدت ایله شمسه نظر ایدوب بصری متفرق اولانک
کوزینه اشای خارجیه کیر مدیکی کچی و بو بر غریب

سردر که مکاشف بیلور زیر اهر برده جارید در
نظر اولنسه هر کسک فن اصلی نه ایسه دنیاده
مشاهده ابتدیکی آثارده آنی کورر غیر بی کورر
مثلا بر کیمسه علم میرانده متفنین و دائی مطالعه
ومذا کره سینه ابکاب ایدر اولسه هر کورر دیکی تسنه بی
شکل اول صورتی اوزرینه اخراج ایدر مثلا کابی کورر
هذا کتاب وکل کتاب یتنفع بعلمه دیر و خبری کورر
هذا خیر وکل خیر یوکل دیر و فرسی کورر هذا فرس
وکل فرس بر کب پس جمله سنی شکل اول اوزرینه جمع
ایدروانک نظر نده شکل اولدن خبری قائمز و سائر
قواعد و فتوی دخی بو کاقیاس ایله بو وحدتک ایچنده
اولان کیمسه عجبدر که بی بصیرکی وحدتی
کورر مزوالواح کائناتی اوقیبوب بوسره ایرمن لحرره
نیچون کورر مزرای دل ماهیلر در یاده دریایی * غریق
بحر علم ایکن اولورلر شویله صحرائی * ظهوری کوزله
کیرمش ینه بوق آنی بر کورر مش * بوسره واری هیچ
ایرمش بیلوب بواوز که معنایی * ندندر کثرت ایتماش

ندند و وحدت مولا * خبر و بر جمله سن جانا کز پیلد کسه
 مولایی * صور عکس کور و ب الدائم ای غافل خیالاته
 اگر نور حقیقی ایسترایسک کو کده کور آبی * بو منزل
 هر کسک تیر مزادینه هدف اولمز * ایریشمک ایسترایسک
 حقیقا چک عشقه یابی * معنای کلام شیخ بود رک بنی
 عین دریای وحدته اغراق ایله تا که سندن غیری به
 نظرم تعلق ایتیه نتکیم هدای قدس سره بیورر
 اولقدر حیرته اولسون جان و دل * قنده بقارسم افندم
 صانه بن * و سنک کلامکده غیری بی اصغا ایتیم نتکیم
 حسین نساجه بر کیمسه راست کلوب سن بنم مملوکسک
 دیدی اولدخی مقام سمعده اولغله نعم دیوب واروب
 اول کیمسه نک خانه سنده نیجه مدت خدمت ایلدی
 زیرا اول کلامی حقیقتده حقدن ایشتمش ایدی پس
 قائلنی تکذیب ایتدی ولکن اشربا لجز دیو خطاب
 اولنسه محقق بو کلامی حق حقیقیدن استماع ایتمز
 تا که مضمونیه عمل لازم کله زیرا حق نهی ایتدی یکی
 نسنه ایله امر ایتمز جمله منهیات بویه در و بو مقام

مزالقی اقدامند در بعض ریاضتکشی آدمیله راست
 کلام امامه اقتدا ایتمز انفراد ایله مأمورن دیرلر بو مقوله
 خلل ریاضات مجرد نک خرافات و خیالاتند ر
 شیطان توسط ایتشدرز را محراب عامه یریدر و حدیث
 شریفده **ک**لور صلوا خلف کل بروفا جر
 بو حدیث کرچه اصلنده امامت کبرایه کوره در قاما
 امامت صغری دخی بونده داخلدر پس اهل سنتک
 ارقه سنده نماز قیلان برالای عامی و ریاضی و جاهل
 و ضال و قرین شیطان سرکروه اضلالدر
 و وجدانله سندن غیری بی بولیم زیرا قل الله
 ثم ذرهم بیورادی مقصود مجرد قول توحید دکلدر
 بلکه شهود ایله دخی وحدته و صوالدر شویله که لوح
 دله رسم ماسوی قالمیه نتکیم حضرت ابراهیم
 صلوات الله علی نبینا و علیه اسلمت رب العالمین
 دیدی بو اسلام قو اینک حقیقی آتش نمروده طرح
 اولاند قلرنده ظاهر اولان تسلیمدر و سندن غیری بی
 حس و ادراک ایتیم حاصلی اگر ظاهر اگر باطن جمله

احوال و حمد لله اولسون كثریدن اثر قالمسون بعد
 داشیخ قدس سره شهود و حدیك پیا منده اولغله
 رؤیتی سمع اوزرینه تقدیم ایلدی والایرتیب طبعی
 حسیله عکس لازم ایدی تنکیم اهل فهمه مستور
 دکلدر) * واجمل الجباب الاعظم حیات روحی) *
 یعنی فخر عالمی صلی الله علیه وسلم حیات روح قبل
 یعنی امداد فیضی ایلله و حدیث شریفده کلور انا
 من الله والمؤمنون منی پس بر روح یوقدر که اول
 روح اعظمیدن مستفاد اولیه و بقا سنده اندن امداد
 بولیه و بو حیات ابدار و حک و ثابا بدنکدر بدنک
 حیاتنه اعتبارا ولما غله حیاتی روحه مضاف قلدی
 خصوصاً او مقوله حیات عظمه سبب اولان وجود
 شریفی حیات حقیره وسیله ایتک ابدن خارجدر
 پس اشارت اولندیغی اوزره فخر عالم صلی الله علیه
 وسلم ابو الاواح و حیوة الارواح اولدی انکی چون بعض
 کما ربور مشر در فخر عالم جسد عبسی در علمها
 الصلوة والسلام زیرا حضرت عبسی نفخ روح

القدسین

القدسین و روح القدس نور فخر عالمین صلی الله
 علیه وسلم مأخوذدر فافهم جدا و علم و شهود
 ایلله حیات روح حاصل اولدیقه انسان
 میت حکمند در زیر حیات روح حیات مقصوده در
 حیات نفس حیوانی بویه دکلدر و کلمات فضولی
 مر حومه کلور * شهید عشق او اوب فیض بقا کسب
 ایتک خوشدر * نه حاصل یوفاد هرک حیات
 مستعارندن * یعنی شهادتده حیات باقیه واردر که حیات
 فانیه دن افضلدر و بو حیات سیبیه در که مؤمنلر و اولیلر
 حقنده وارد اولمشدر اولیاء الله لایم و تون
 و لکن ینقلون من دارالی دار و بعضی روایاتده
 اولیاء الله بدل المؤمنون دوشمشدر مالی بردر
 زیرا مقصود مؤمن کاملدر بو حیات باقیه سیبیه در که
 ابدان کل تفسیح ایتمز زیرا علم حقیقی و شهود حقایقه
 تفسیحی موجب اولان عفو ناتدن منقاردر لحرره
 جوریمک استه مزایسک سنده * اوله کور فیض علمه
 زنده * و روحه سر حقیقی ظاهر اولان بودر که

ما قبلانی بیساندرو بیانه و او عا طفه مانع دکلدر زیرا
 فی الجملة مغایرت کافیدر تکیم قران کریمده کلور
 و لکن جعلناه نورانهدی به من نشاء من عبادنا
 و انک لتهدی الی صراط مستقیم مفسر لر
 و انک تهدی آیتن هدایت حتی تقریرو کیفیتن بیانه حل
 اینشلردر پس بو مقامده تقدیر کلام واجعل روح
 حجاب الاعظم حیات روحی و سر حقیقتی دیمکدر
 اصلی بودر که روح محمدیده ایکی معنی ملحوظدر بری
 حیوة الارواح و بری سر الحقایق اولوق و حقیقتده
 حیات ایله سر بردر زیرا هر کسده اولان حقیقت محمدیه
 حصه سی ذکر اولنان حیات ایله متحقق اولمشدر
 فافهم و جائزدر که روحله مراد روح النبوة اوله
 پس معنی دیمک اولور که انک قربتی و ثمره قربت
 اولان صفاسنی و شهودینی بنم سر حقیقتم قبل پس
 بو صورتده تقدیر و تأویله حاجت قائم از فاعرف
 * (و حقیقتده جامع عوالمی بتحقیق الحق الاول) *
 معلوم اوله که فخر عالمک صلی الله علیه وسلم حقیقتی

اسم اعظمدر زیرا اسم اعظم جمیع اسمایی جامع
 اولدیغی کی حقیقت محمدیه دخی جمیع حقایق جامعدر
 و حق البقیة حقیقتی و باطنی بو حقیقتده مخصوصدر
 عوالمدن مراد عوالم سیرانیه در که او حیوز
 الشمس بیکدر غیب و شهادتده نزول و عروج امراتی
 چوقدر جمیع عوالمده حقیقت محمدیه نک شهودی
 اوزرینه دورا یتک ایسه رتبه عظمادر انک چون بتحقیق
 الحق الاول دیوب تفریده اشارت ایدر زیرا حق اول
 تعین اول مرتبه سی اولان هویت ذاتیه در بو مرتبه
 حق اول دیدی زیرا اگر علمده و اگر خارجده
 اولان مراتب تجلیات بونک تفصیلدر پس هر فرعنده
 اصلی مشاهد ایتک وحدتدندر شجره ده نواة مشاهد
 اولندیغی کی فافهم جدا فانه علم جلیل * (یا اول) *
 باعتبار السیر نزولا * (یا اخر) * باعتبار رختم السیر
 عروجاً * (یا ظاهر) * بحسب النظر الی وجود الحق
 * (یا باطن) * بحسب النظر الی وجود الخلق
 و بو اسماء اربعه که امهات اسماء الهیه در بوندن غیری

محامل کثیره سی دخی وارد در لیکن مقامه ملام اولان
معانی ایله اکتفا اولندی (* اسمع ندائی بما سمعت به نداء
عبدك زکریا*) یعنی قولك زکریا لك علیه الصلوة
والسلام دعاسنی ایشتهد یکک سمع قبول ایله بنم دخی
دعای ایشتهد و ذکر اولان حاجتی روا ایت بعد از انداء
عبادت قرائت قرآنه مساو فقت ایچوندر تکیم کلور
اذنادی ربه نداء خفیا والانداء رفع صوتدر وساحه
حضورده اولان رفع صوتدن ممنوعدر شوقدر وارد که
ندادن مراد د عادر ولکن مقام عبدیتدن نفسنی
تبعید ایدوب نداء لفظی ایله تعبیر ایلدی (* وانصرنی
بك لك*) بکا نصرت ایله نفسم اوزرینه سنك ایله وسنك
ایچون یعنی بنم مقصودم منصور اولوب سکا و صولدر
ولکن بکا اولان نصرتی بالذات سن ایله وسن بنم
اموریمه تولی قبل که قوه و نصرت بونده دروسنك ایچون
ایله بنم ایچون ایلله زیرا بنم مرادم فناء تامه در فناء
تامه ملا حظات وجودیه قالمزوسکا فوز حاصل اولور
(وايدنی بك لك*) و بی امداد ملکوتی و افاضه لاهوتی

ایلله قوای و همیه و خیالییه بی قهر اوزرینه تأیید و تقویت
ایلله تا که نفسم عالم ظلمانه میلدن منجذب اولوب عالم
انواری مشاهده ترقی ایلله و بوسیله استکمال نفس
و استغراق شهود حاصل اوله بوا یسه نور فارق ایلله
اولور یعنی مایذی و مالا یذی بی و حقه له مساوی
بری برندن فرق و تشخیص ایدر نور قوی و برهان جلی
و انشراح صدر و انفتاح قلب کر کرد و بومعنا بی دخی
سنك ایچون ایلله زیرا مقصود سنكله منصور و سنكله
یشه سکا مؤید اولمقدر و حدیث قدسیده کلور
خلقت الخلق لیر بحوا علی لا لاریج علیهم فانظر
بالتوفیق لتکون علی طریق التحقیق (* واجمع بینی
و بینك*) یعنی آره دن حجب اکوانی و سبب فرقت
اولان اموری از الایدوب جمعیت و شهود احسان ایلله
شیخ افتاده قدس سره بیورر * اهل عرفان دیدیلر سن
چقما بنجه آره دن * ییله مز سن کیمدرر کند و بی بنهان
ایلیان * بوسندن مراد اضافت کونیه درو چقمدن مراد
اضافت کونیه بی اسقاطدر پس اضافت کونیه که

وجود و ذات و صفت و فعلك اضاافتدن عبارتدر
ساقط اولیحق پنهان اولان اشکاره اولور یعنی حقیقت
عبدایله هویتك میاننده اولان اعتبارات و اضافات
مضمحل اولوب عاشق معشوقه و محب محبوبه و اصل
اولور و بوجه محب و برارخ برسدن عبارتدر حاصلی
غفلتدر لحرره غفلت دل پرده در دیدار مولانا *
پرده زائل اولدی ایسه جان کوز یله باقی سکا * (وخل
بینی و بین غیرك) * ما سوایه غیر دیدی زیر احق
اضافیدر من وجه یار و من وجه اغیاردر و مولانا جامیدن
قدس سره سوال اولمشکه چونکه فی الحقیقه
ما سوانك وجودی یوقدر پس دعاده اللهم اشغلنا بك
من سوالك مقاله سنك معناسی ندر جواب ویرمشکه
کاف ذاته اشارتدر یعنی بی ذاتکه مشغول قبل غیر
ذاتدن که صفات و افعالدر و لیکن بوضوح
صفات غیردیمك من وجه در زیر اهل سنت قتنده
صفات باری حقنده لاهو و لا غیر دینمشدر تحقیقی
بودر که اسماء ذاتیه مسمانك عینیدر بواستادن مراد

عالمه تعلق اولمیان اسمادر بواستایه مفاتیح
اول دیرلر و اسماء صفاتیه حقیقت احدیه
جهتدن مسمانك عینی و صورت واحدیه
جهتدن مسمانك غیر بدر و بواستایه صفاتیه مفاتیح
ثوانی دیرلر بواستایه عالمه تعلق وارددر مفاتیح ثوالت
اولان اسماء افعال کی یعنی اسماء صفاتیه ذاتیه و اسماء
صفاتیه فعلیه بومعناده مشترکدر در اهل کلامك
بحث ایتدیکی اسماء صفاتیه در اسماء ذاتیه دکلدر زیر
اسماء ذاتیه نك حقیقتنه اطلاع و شهود تام یکل اولمایه
مخصوصدر لحرره اهل فرق و احتجاب ایسك اگر *
اولدی صحرای سکا دریادن یقین * ایرمینجه بوشهوده
حقله * اوچه بودر یا کنارندن صقین * (الله الله الله
) * تثلیث ایلدی ذات و صفات و افعاله اشارت و حق
اولی بیان ایچون و جا زدر که اولکبسی ایفاظ غافلین
وایکنجسی تعریف عارفین و اوچنجسی تلذذ واصلین
ایچون اوله بعدذا بولفظه جلاله اسم اعظمدر که
جمیع اسمایی جامعدر اگرچه که اسماء حسنی نك جمله سی

فی الحقیقه اعظم در و لکن بعض اسماده بعض
 خصایص اعتباریه اسم اعظم دیشلردر حی و قیوم
 دخی بوقیلند در تفصیلی محله نده میبندد * ان الذی
 فرض علیک القرآن را ادک الی معاد * بوسه لاک
 ما قبله مناسبت نامه سی و اردر زیر معاد ایله کرک
 آخرت و کرک مکه مراد اولنسون حقه رجوعه
 اشارت در زیر کعبه مقام ذاته رمزدر و جا نژد که معاد
 عالم عدمه اشارت اوله بو عالمه رد اولنق ذات وصفات
 و افعال دن فنا ایله در بوفناده خود ذات وصفاده
 و افعال حق له بقا و اردر پس حب الوطن
 من الایمان مو جنبه سا لک حق بوفنا و بقایه
 طالب اولق کرکد ر لمجره وطنکدن جدا اولوب
 ای دل * نیجه بر غربت ایلاره دوشه سن * بوسه اطفا بی
 طی ایله * سکامهد بقای حق دوشه سن * ربنا آتنا
 من لدنک رحمة وهی لنا من امر نارشدا * رحمتدن
 مراد رحمت خاصه در که حکمت و معرفت و توحید
 عزیز در تکیم من لدنک اکافینه در واحد ن مراد

امر محبتدر رشددن اصابت حقدر بعد ذالف ایله
 ختم ایلدی بداء ابتدایی کی زیر دینلشدر که النهایه
 هی الرجوع الی البدایه الف اصلدر همزه مستحذدر
 متحرکی ساکندن تمیز ایچونددر انکی چون حروف
 همزیده همزه بوقدر و الف حقنده کلام عربض و اردر
 محله نده میبندد * ثلث مرات * سئوال اولنورسه که
 بالاده ذکر اولندیکه فیض الهی اون بر مرتبه دن نزول
 ایتمکله بر حدیثده اون بر صلوات تخصیص اولندی پس
 بوراده اوچه تخصیصک وجهی ندر جواب بودر که
 مراتب کلبه اعتباریه در یعنی عالم ناسوته نزول ایدن
 فیض الهی عالم ملکوت و جبروت و لاهوت مرتبه
 لندن در پس مراتب اوزرینه تمشی ایدنلره کار
 روشندر زیر هر فسنه نک بد اینندن نهایتنه
 دک اطوار مختلفه و اردر اگر چه که
 حقیقتده ازل وابد و اول
 و آخر بر در تمت الرساله
 بعون الله الملائک
 المعین

تم طبع هذه الشرح اللطيفة على الصلوة الشريفة
بمطبعة باب حضرت سر عسكرية في اواسط شعبان
المعظم سنة ست وخمسين ومائتين
والف من هجرت من له العزة
والشرف

م م

م

قال في التذكرة

في الأجزاء

في

۱۸۰۰
۱۹۰
ایمانی عباس
و ظفر

مکرم

۲۸۵

۲۲۵

۱۸۰

۲۰۰

۲۷۰۰

۱۰۰

۲۸۰۰

۵۰۰

۳۳۰۰